

四庫全書

集部

欽定四庫全書

集部

駱丞集
目錄
卷一

詳校官監察御史_臣劉涓

檢討_臣何思鈞覆勘

覆校官中書_臣田尹衡

校對官主事_臣張培

謄錄監生_臣周雲翮

欽定四庫全書

集部二

駱丞集目錄

別集類一 唐

卷一

頌

靈泉頌

賦

蕩子從軍賦

螢火賦 有序

五言古詩

詠懷古上裴侍郎

夏日遊德州贈高四詩

有序

在江南贈宋五之問

五言律詩

於紫雲觀贈道士

有序

在獄詠蟬

有序

途中有懷

出石門

至分陝

至分水戍

北眺春陵

望鄉夕泛

久客臨海有懷

遊兗部孔君自衛來欣然相遇若舊

西京守歲

白雲抱幽石

春雲處處生

同辛簿簡仰酬思玄上人林泉四首

秋日送陳文林陸道士有序

秋日送尹大赴京有引

秋夜送閻五還潤洲有序

初秋登司馬樓宴有引

初秋於竇六郎宅宴有序

送鄭少府入遼

送費六還蜀

秋月送侯四

送王明府上京參選

秋日送別

別李嶠得勝字

在兗州餞宋五

遊靈公觀

夏日遊山家同夏少府

夏日遊目聊作

同崔駙馬曉初登樓思京

春夜韋明府宅宴

冬日宴

餽雞子

詠雲酒

詠美人在天津橋

憲臺出繫寒夜有懷

月夜有懷簡諸同僚

送郭少府探得憂字

送宋五之問得涼字

冬日過故人任處士書齋

詠塵灰

秋晨同淄州毛司馬秋九詠

秋雲

秋蟬

秋露

秋月

秋水

詠水

秋螢

秋雁

詠雁

秋菊

詠雪

餞駱四得鍾字

渡瓜步

王昭君

挽詩

樂大夫挽詩

五首

丹陽刺史挽詩

三首

卷二

五言排律

浮查詩

有序

春霽早行

秋日山行簡梁大官

晚度天山有懷京邑

晚泊河曲

晚泊蒲類

晚渡黃河

早發淮口望盱眙

遠使海曲春夜多懷

晚泊江鎮

早發諸暨

晚憩田家

宿山莊

過張平子墓

海曲書情

邊城落日

蓬萊鎮

宿溫城望軍營

和孫長史秋日卧病

四月八日題七級

早秋出塞寄東臺詳政學士

鄭安陽入蜀

在軍中贈先還知已

夏日憶張二

和李明府

望月有所思

寓居洛濱對雪憶謝二

西行別東臺詳政學士

送吳七遊蜀

春晚從李長史遊開道林故山

和王記室從趙王春日遊陟山寺

冬日野望

夕次舊吳

臺露薄暮濕征衣

過故宋

詠懷

邊夜有懷

久戍邊城有懷京邑

幽繫書情通簡知已

寒夜獨坐遊子多懷簡知已

叙寄員半千

行

棹歌行

傷祝阿王明府

有序

五言絕句

在軍登城樓

於易水送人一絕

挑燈杖

詠塵

翫初月

詠照

詠鵝雜言

七言古風

上吏部侍郎帝京篇有啓

疇昔篇

行軍軍中行路難

艷情代郭氏答盧照鄰

代女道士王靈妃贈道士李榮

憶蜀地佳人

卷三

表

爲齊州父老請陪封禪表

對策文

一道

二道

三道

啓

和學士閨情詩

上司刑太常伯

上李少常

上兗州

上兗州崔長史

上齊州張司馬

上廉使

上瑕丘韋明府

上郭贇府

上梁明府

書

上吏部裴侍郎

與程將軍

答員半千

與博昌父老

與親情

卷四

序

秋日於益州李長史宅宴

冒雨尋菊

晦日楚國寺宴

餞宋三之豐城

初春邪嶺送益府參軍

秋日餞黼錄事使西州

贈李八騎曹詩

揚州看競渡

秋日與羣公宴

雜著

姚州道破逆賊諾波浪楊處柳等露布

又破設蒙儉露布

代李敬業討武氏檄

應誥

自叙狀

祭趙郎將文

臣等謹案駱丞集四卷唐駱賓王撰賓王義

烏人仕至侍御史左遷臨海丞後與徐敬業
傳檄討武后兵敗不知所終事迹具唐書本
傳中宗時詔求其文得百餘篇命郝雲卿編
次之陳振孫書錄解題引雲卿舊序稱光宅
中廣陵亂伏誅蓋據李孝逸奏捷之語孟榮
本事詩則云賓王落髮徧遊名山宋之問遊
靈隱寺作詩嘗為續樓觀滄海日門對浙江
潮之句今觀集中與之問蹤跡甚密在江南

則有投贈之作在兗州則有餞別之章宜非
不相識者何至覲面失之封演為天寶中人
去賓王時甚近所作見聞記中載之問此詩
證月中桂子之事並不云出賓王祭書晚出
乃有是說蓋武后改唐為周人心共憤敬業
賓王之敗世頗憐之故造為是語祭不考而
誤載也其集新舊唐書皆作十卷宋藝文志
又載有百道判三卷今並散佚此本四卷蓋

後人所裒輯其注則明給事中顏文選所作
援引疎舛殆無可取以文選之外別無注本
而其中亦尚有一二可採者故姑並錄之以
備參考焉乾隆四十一年五月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

駱丞集卷一

唐駱賓王撰

明顏文選註

頌

靈泉頌

按新唐書宋思禮事繼母徐爲聞孝補蕭縣主簿會大旱井池涸母羸疾非泉水不適口思禮憂懼且禱忽有泉水出諸庭味甘寒日不乏汲縣人異之尉柳晃爲刻石頌其感見孝友傳

聞夫立功幽贊靈心以有德是親至道冥符篤行以通

仁為本

玄功猶玄德也老子能為章生而不有為而不恃長而不宰是謂玄德幽贊本易繫辭幽贊於神明而生著書皇天無親克敬惟親又皇天無親惟德是輔孝經先王有至德要道論語孝弟為仁之本此數句皆用之

若乃天經地義色養叶於因心夏清冬溫愛敬引於錫類下逮六幽之興上洞三光之精不有至誠孰云斯感

孝經夫孝天之經也地之義也民之行也曲禮孝子之有深愛者必有和氣有和氣者必有愉色有愉色者必有婉容故曰色養晉書王延字延元九歲喪母泣血三年每至忌日則悲泣三旬事親色養王導子

悅弱冠有高名事親色養詩皇矣篇因心則友註因其心之自然也禮記冬溫而夏清註溫以禦其寒清以致其涼詩既醉篇孝子不匱永錫爾類註孝子誠而不竭則神錫之以善也漢章帝章和元年詔光照六幽班固典引光被六幽註六合幽達之地六合天地四方也三先日月星也

有廣平宋思禮字過庭皇朝永州刺史昉之適孫戶部員外順之長子幼丁偏罰早喪慈親永懷鞠養之恩長增思慕之痛弱不好弄長而能賢趨庭聞詩禮之風亢宗勗曾閔之行

廣平漢初國名唐天總初為廣平郡後為洛州今廣平府也少昊金天氏名摯字青陽此有字之始偏罰

指喪母謂雙親不全也詩母兮鞠我註亦養也左傳
卻芮對秦伯曰夷吾弱不好弄註夷吾晉惠公也弄
戲也又宋穆公疾召孔父屬殤公焉曰先君以寡人
為賢使主社稷若棄德不讓是廢先君之舉也豈曰
賢能

事后母徐以至孝聞北面興悲泣高堂而咎已東遊下
位歡微祿以逮親

韓詩外傳曾子曰往而不返者親也故子欲養而親
不待是故推牛而祭不如雞豚之逮親存也初吾為
吏祿不及釜尚欣欣而喜者非以為多也樂其逮親
也既沒之后吾嘗南遊於楚得尊官焉堂高九尺傳
嘗百乘然猶北向而涕泣者非為賤也
悲不逮親也故家貧親老不擇官而仕

調露二年來佐百里俯就微班之列將申返哺之情敬
立身其若斯於從政乎何遠

古未有年號始於漢文帝戴方士新垣平玉杯之詐
改后元元年武帝因之始建元元年調露唐高宗年
號也鵲鳥行有次序齊整故朝班謂之鵲班鳥鳥小
者能返哺其母大而項白者不能微班指鵲返哺指
鳥也孔子曰身也者
親之枝也敢不敬與

時歲亢旱金石行銷僦近川原殆將堙絕澹井皆為湯
谷通波盡化污池

楚詞招魂篇十日代出流金燦石些註東方有扶桑
之木十日並在其上以次更行其熱酷烈金石皆銷

釋也湯谷楚詞作暘谷亦讀作湯註日之所出也或言谷熱如湯張平子南都賦湯谷涌其後清水盪其胃註盛弘之荊州記南陽郡城北有紫山紫山之東有一水無所會通冬夏常溫因名湯谷通波通流之水也汚池污下之地水所聚也

太夫人在遲暮之年有溫勞之疾非溫漿不可以適口
非源泉不可以蠲疴色養既虧憂惶靡訴

遲暮年老也潘岳閒居賦曰方今俊乂在官百工惟時拙者可以絕意于寵榮之事矣太夫人在堂有羸老之疾尚何能遲膝下色養而屑屑從斗筲之役乎列子流水之潘為淵濫檻內則篇黍醴漿水醴濫註漿醋水也醴梅漿也濫雜糅飲之屬和水也蠲除病病也三秦記始皇至驪山與神女遊忤其旨唾之生

瘡始皇怖謝神女為出溫
泉洗除之即蠲疔之意

俄而廳堦之下忽清泉而自生因疏導其源遂流注不
竭味甘若醴氣冷如冰

六帖君乘土而王其致太平則醴泉出黃帝時以醴
泉為漿堯之時德茂清平則醴泉出夏后書俊乂在
官則醴泉出漢光武中元二年京師醴泉出飲者
痼疾皆愈味甘如醴故曰醴泉醴酒一宿成也

此邑城控剡山地連禹穴基址多石崗阜無津爰自興
建以來久微穿汲之利非精誠貫於有道純志決於無
私孰能洽冥貺以通幽導靈泉而致養者也

剡山地名唐初於此置嵊州取四山為嵊之義并析置剡縣宋改嵊縣今因之禹穴按一統志禹穴在會稽山龍瑞宮側此宮乃唐所建道家謂黃帝嘗建候神館於此有龍瑞壇呂東萊云大石中斷成罅殊不古司馬遷自叙上會稽探禹穴此殆非子長所探也王十朋詩好古貪奇司馬遷胃中史記越山川如今禹穴無尋處洞鎖陽明石一拳又穴石舊經云禹葬會稽山取此石為甕上有石隸不可讀今以亭覆之了翁詩禹穴原從一罅通禹陵原在亂山中飲泉甕石皆如此誤却東遊太史公水經注云會稽山南有礪去禹廟七里謂之禹井即禹穴也張晏亦曰禹至會稽崩而葬焉上有孔穴或云禹入此石穴故子長上會稽探之此說俱非是楊升菴云此乃子長自言徧遊萬里之目總吳越及巴蜀也按蜀之石泉禹生之地謂之禹穴其石穴深人跡不到巡撫儀封劉達夫修蜀志搜訪古碑刻有禹穴二字乃李白所書始知

禹穴在會稽之誤此蕭縣
乃言會稽地者借用之也

昔漢臣忠烈窮井飛於一言姜婦孝思潛波移於七里

靜惟陳迹彼亦何人

後漢書耿恭為戊巳校尉以疎勒城旁有澗水可固
引兵據其地匈奴來攻絕其汲道恭穿井城中十五
丈不得水嘆曰昔貳師拔刀刺山而泉湧乃整衣拜
井水泉奔出揚以示敵驚以為神遂引去姜詩至孝
妻龐盛之女母嗜魚鱸夫婦嘗力作供膳母性又不
能獨食呼隣母共之母好飲江水去舍六七里妻泝
流而汲值風雪不時至詩責遣之妻依隣母紡績市
珍味潛遺姑詩聞追還妻舍側忽有湧泉味如江水
旦復出二鯉以供
二母陳迹舊迹也

蕭縣尉柳冕耿介之士也道合則金蘭若膠漆情異則
軒冕猶埃塵片善可嘉朝聞甘於夕死一諾猶重黃金
賤於白圭

蕭古國名唐為蕭縣屬徐州今因之楚辭九辨貞左
右之耿介朱子註耿介剛勇之意離騷彼堯舜之耿
介兮況遵道而得路董子士不遇賦末俗以辨詐而
期通兮貞士耿介而自束文選序耿介之意既傷註
忠烈也易曰二人同心其利斷金同心之言其臭如
蘭蔡邕郭有道碑師友之義穆如金蘭後漢雷義字
仲公陳重字景公相與為友順帝時義舉茂才讓於
重刺史不聽義遂佯狂不應命後同舉孝廉俱拜尚
書郎時人為之語曰膠漆雖堅不如雷與陳史記曹
邱生揖李布曰楚人得黃金百斤不如得李布一諾

足下何以得此聲於梁楚間哉梁劉孝綽侍
安成王曲水宴詩一言白璧輕片諾黃金賤

以為執友素交豈輕肥利祿之謂也賞音達禮非鍾鼓
玉帛之云乎所恥者沒而無稱所貴者存而不朽徒懷
美志未遇良材

禮記曲禮篇執友稱其仁也註同師之友其執志同
呂氏春秋子期死伯牙破琴絕絃終身不鼓以為世
無賞音者曹植求自試表有賞音而識道也潘岳誄
夏侯湛雖實唱高猶實嗣音宋書惠連能文靈運嘉
賞之禮仲尼燕居篇達於禮而不達於樂謂之素達
於樂而不達於禮謂之偏左傳穆叔曰豹聞之太上
立德其次立功其次立
言雖久不廢謂之不朽

某出贊荒隅塗經勝壤三秋客恨長懷宋玉之悲一面
交歡暫雪桓譚之涕

宋玉憫其師屈原放逐作九辨歌云悲哉秋之為氣
也蕭瑟兮草木搖落而變衰僚慄兮若在遠行登山
臨水兮送將歸言世亂賢者欲去也漢應奉善識人
訪友不遇有造車匠自門間半面窺之後路識而呼
之謂之半面之識一面亦謂初面相識也齊景
公遊牛山流涕晏子獨笑於旁公雪涕而顧之

覩斯水之清泚感若人之精誠見賢思齊仰圭璋而有
地揮毫興頌鏤琬琰之無慚乃作頌曰

泚鮮明也詩如圭如璋言德之純潔也揮毫舉筆也
書顧命弘璧琬琰在東序註琬琰玉板也鏤刻也

粵若稽古厥初生民其誰不孝獨我難倫義不悖道仁
不遺親愛敬盡力孝弟通神

孝經曰孝弟之
至通於神明

顧我罔極因心感至冥契動天甘泉涌地泠泠無竭蒸
蒸不匱曾是我私永錫爾類

詩昊天罔極言父母之恩如天無窮不知所以為報
也因心見上文莊子夫列子御風而行泠然善也註
泠然輕涼之貌書烝烝乂不格姦言舜使父母及象
皆進以善自治不至大惡也不匱錫類俱見上文又
左傳類考叔純孝也愛其母施及莊公詩曰孝子不
匱永錫爾類其是之謂乎此意與朱傳小異賦意似

用之故上文
云曹是我私

爰有芳人景行芳塵事諧則感道洽斯親孝為禮主名為實實尚斯文之不隊知盛德之有隣

詩高山仰止景行行止言善行也芳塵前人所行足為後人之法如塵之芳後趙石虎以沈香為塵今美人行而播之謂之芳塵此字義也莊子名者實之實也

賦

蕩子從軍賦

漢孝惠六年使樂府令備簫管故有樂府詞其詞云青青河畔草鬱鬱園中柳盈盈樓上女皎

皎當牕牖我我紅粉粧纖纖出素手昔爲倡家
女今爲蕩子婦蕩子行不歸空牀難獨守上山
採蘼蕪下山逢故夫長跪問故夫新人復何如
新人雖云好未若故人殊其色似相類手爪不
相如新人從門入故人從閨去新人工織縑故
人工織素織縑日一匹織素五丈餘將縑來比
素新人不如故此蕩子曲所
自始也賦中言蘼蕪曲即此

胡兵十萬起妖氛漢騎三千掃陣雲隱隱地中鳴戰鼓
迢迢天上出將軍邊沙遠離風塵氣塞草長萎霜露文

妖氣曰氛胡人謂中國皆曰漢雖元人語猶然也十
萬三千舉成數而言其多未必實有此數也兵陣如
雲合故曰陣雲又風后八陣有天地風雲虎蛇龍鳥
之象隱隱鼓聲也與殷其雷之殷同易地中有水師

君子以容民蓄衆迨迨遠也史記亞夫傳趙涉遮說
亞夫曰將軍何不右去藍田走武關直入武庫吳楚
聞之以爲將軍從天而下也周弘正入武關詩將軍
天上落童子棄繯來邊塞地多風塵離如離寒暑之
離秋初草葉萎死

青黃間雜如文

毛居正六經正誤云谷風萬音蔓作万非盖万本音
墨萬侯姓也俗借作草書万字經典豈應用之

蕩子辛苦十年行回首關山萬里情遠天橫劍氣邊北
聚笳聲鐵騎朝常警銅焦夜不鳴抗左賢而列陣比右
校以疏營滄波積凍連蒲海雨雪凝寒遍柳城

十年言其从萬里言其遠也庾信蕩子賦蕩子辛苦
逐征行直守長城千里城隴水恒水合關山推明月

鄭玄曰關境上門也月令章句云關在境所以察出
禦入也漢書天文兩河間有天關梁周禮司閭掌國
貨之節以聽關市故有關市之賦春秋時騎境皆有
關門以察行李江淹恨賦明妃去時仰天太息紫臺
稍遠關山無極宋玉見楚王王曰能為大言乎曰騁
弓掛扶桑仗劍倚天外王大奇之茹李伯陽入西戎
所作傳玄茹聽序曰改葉為聲說文作茹胡人捲茹
葉而吹之胡茹所由名也杜摯有茹賦蔡琰胡茹十
八拍李陵答蘇武書胡茹互動皆邊北聚茹也鐵騎
馬被鐵甲也銅焦以銅作焦器受一斗晝炊飲食夜
擊巡營亦名刁斗左賢右校俱番官名漢書匈奴至
冒頓最強大置左右賢王司馬遷所謂悉徵其左右
賢王舉引弓之人共攻圍之是也李陵降匈奴以為
右校王貴幸用事詭營開營也如疏九河之疏蒲類
海也在火州之土魯番西南又名婆悉海周四百里
葱嶺于闐以東之水皆注于此漢章帝詔班超有擊

石池破白山臨蒲類取車師柳城漢縣名屬遼西郡
晉廢唐復置營州於此宋省之故城在永平府城西
二十里唐太宗伐高麗命李世勣軍發柳城即此阮
籍大人先生歌曰陽和微弱陰氣竭海凍不流綿絮
折

若乃地分玄徼路指青波邊城煖氣從來少關塞玄雲
本自多嚴風凜凜將軍樹苦霧蒼蒼太史河

張揖曰徼塞也以木柵水為夷狄之界也音叫又曰
境也以木石水而為界也或曰叫號巡警之謂或曰
繞也所以繞遮蠻夷不得通中國也義可互發北邊
謂之玄徼南邊謂之丹徼因其方色名之耳青波水
也秦滅義渠始于隴西北地上郡築長城以拒胡趙
武靈王北破林胡樓煩築長城自代並陰山下至高

關為塞此邊城關塞所起也玄雲黑色也將雪之候
如此漢馮異不伐每克敵諸將論功異獨屏樹下軍
中號大樹將軍苦霧猶毒霧也太史河在北邊非九
河之太史河也蓋九河按禹貢兗州之境

既跋距而從軍且揚麾而挑戰征旆凌沙漠戎衣犯霜
霰樓船一舉爭沸騰烽火四連相隱見戈文耿耿懸落
星馬足駸駸擁飛電終取俊而先鳴豈論功而後殿

漢書甘延壽投石跋距出於等倫註跋距即起距謂
距地向前提過物也詳見後卷露布投石起距註書
牧誓武王左伐黃鉞右秉白旄以麾詩麾之以旂皆
招義史記季左車曰不十日而兩將之頭可致麾下
麾旗也項羽謂漢王曰願與王挑戰註招兩人對戰
也北邊皆飛沙之地故云沙漠詩如彼雨雪先集雖

霰註將大雨雪必先微溫雪自上下遇溫氣而搏謂之霰久而寒勝則大雪矣樓船船之有樓臺者漢武伐南越造樓船以路博德為樓船將軍詩百川沸騰此以人衆言之也周幽王以褒氏不好笑萬方故不笑王與諸侯約有故舉烽火則遣兵來援既而無故舉烽火諸侯皆至褒氏大笑註烽火今煙墩也草雖狼糞燒之風吹不斜見者知有飛警故又曰狼烟詩載驟駭駭註驟貌王褒聖主得賢臣頌追奔電逐遣風言馬之疾也耿育訟陳湯曰國家既無文帝豐年節儉之畜又無武帝薦延泉俊禽敵之臣獨有一湯註泉俊取敵之魁首也湯嘗斬郅支單于楚詞恐鸛鳩之先鳴兮百草為之不芳殿見論語

征夫行樂踐榆溪倡婦銜怨坐空閨
靡蕪舊曲終難贈
芍藥新詩豈易題
池前怯對鴛鴦伴
庭際羞看桃李蹊

花有情而獨笑鳥無情而恒啼

楊惲報孫會宗書曰人生行樂耳須富貴何時衛青
傳西定河南海棠榆溪舊塞註上郡北有榆次山東
經榆林為榆溪倡婦見本題註曹子建釋詩妾身守
空閨良人行從軍楚詞秋蘭兮麝羅生兮堂下綠
葉兮紫莖謝玄暉和王主簿怨情詩相逢詠此詩鄭風
秦風維士寵悲班扇註失寵者相逢咏此詩鄭風秦風
維士與女伊其將謔贈之以芍藥江淹恨賦下有芍藥之
詩佳人之歌鴛鴦水中匹鳥婦人獨處故怯對之詳
見下文翡翠註史記李廣贊將軍恂恂如鄙人口不
能道詞及死之日知與不知皆為盡哀彼其忠實心
誠信於士夫也嘯曰
桃李不言下自成蹊

蕩子別來年月久賤妾空閨更難守鳳凰樓上罷吹簫

鸚鵡林下臨勸酒

蕩子二句見本題下秦蕭史風神超邁善吹簫作鳳聲能致孔雀白鶴穆公有女名弄玉亦好吹簫公遂以妻焉乃教玉作鳳鳴居十餘年鳳凰止其屋公爲作鳳凰樓夫婦止其上一旦史乘龍玉乘鳳升天而去鸚鵡螺出外園可磨爲杯

同道書來一雁飛此時緘怨下鳴機
裁鴛帖夜被薰麝染春衣
屏風宛轉蓮花帳夜月玲瓏翡翠帷
箇日新粧始復罷祇應含笑待君歸

匈奴留蘇武北海上每誣漢使以武已死武官屬常患私教使者言天子射上林得雁足有帛書言武在

某澤中匈奴驚以爲神遂遣歸後世雁傳書始此下
機用蘇秦事曹植閨情詩西北有織婦綺縠何續紛
明晨東機杼日晏不成文太息終長夜悲嘯入青雲
妾身守空房良人從行軍梁武陵王蕭妃夜夢詩昨
夜夢君歸賤妾下鳴機極知意氣薄不著舊時衣故
言如夢裏賴我雁書飛古樂府文彩雙鴛鴦載爲合
歡被着以長相思緣以結不解麝獸名食柏脂有香
即麝香也楚詞招魂篇紫莖屏風文緣波些註屏風
水葵也又名鳧葵又名防風即苻菜也生水中莖紫
色文緣波言葵之文來風起水動即緣波而生也此
即宛轉之意又梁簡文曉思詩晨禽爭學轉朝花亂
欲開爐煙入斗帳屏風隱鏡臺紅粧幾盡淚蕩子何
當來蓮花帳因其色也或曰帳所以屏風對下夜月
則宛轉當屬蓮花楚詞註又云屏音丙謂以葉障風
正與緣波相對最見工緻更詳之脰臘月色也楚詞
翡翠帷帳飾高堂些又翡翠珠被爛齊光些註翡翠

羽雀翠青羽雀以翡翠為錦也異物志翠形似燕出交趾黃山谷纂山溪詞駕翡翠小思珍偶註駕翡翠皆成雙之物李華長門怨亦云弱體駕鸞席啣翡翠林亦取成雙之意如上文云怯對此云裁鸞皆有取也庾信蕩子賦逆想行人至迎前含笑來

螢火賦

有序

據雲卿所言此乃上疏下獄時所賦然螢火有二種有草螢有水螢唐李子卿水螢賦云水螢為蟲卿蟲能天彼何為而化草此何事而居泉腹可自持故無取于蠅足能自運亦何憐於蛭色動波間獨珠還于合浦影懸潭下若星聚于潁川觀此則此賦有欠分處

余猥以明時久遭幽繫見一葉之已落知四運之將終

悽然客之為心乎悲哉秋之為氣也

張華鰓鰒賦屈猛志以服養塊幽繫於九重淮南子曰見一葉落而知歲之將暮四運春夏秋冬也末句

見靈泉頌

先陰無幾時事如何大塊是勞生之機小智非周身之務

莊子齊物論夫大塊噫氣其名為風太宗師為大塊載我以形勞我以生息我以死註大塊或以為無或以為元氣或以為混成或以為天地

嗟乎褊袍匪舊白首如新誰明公治之非孰辨臧倉之

想

史記范雎事魏須賈為昭王使齊雎從齊襄王聞雎
辨口使賜金牛酒雎辭謝賈大怒以雎持國陰事告
還語魏相齊齊大怒擊雎折脅擢齒置廁中使醉客
更溺之齊醉雎佯死賂守者亡出鄭安平操雎更名
張祿因秦使王稽得入秦昭王以為相既而須賈使
秦雎微行見賈賈笑曰范叔固無恙乎慙其寒取綈
袍賜之因問秦相張君知之乎令吾事之去留在孺
子豈有客習於相君者哉雎曰主人翁習知之唯雎
亦得謁請為君見乃為賈偕大車與御至相府望見
者皆避匿賈怪之至相府門雎請先入通待良久不
出賈問曰范叔久不出何也門下曰無范叔向者吾
相張君也賈大驚乃膝行肉袒因門下謝罪頓首曰
賈不意君自致青雲之上不敢復讀天下書不敢復
與天下事賈有湯餽之罪請自屏於胡貉之地唯君

生死之睚曰汝罪有幾曰摧髮未足睚數其罪曰汝之得不死者以梯袍懸懸有故人之意耳乃言王罷歸賈大具會諸侯使坐賈堂下莖豆兩黥使夾而馬食之數曰語魏王急持魏齊頭來不然且屠大梁齊恐走趙虞卿解相印與逃魏信陵君難見之齊怒自劉趙取齊頭與秦乃出平原君平原前為睚紹入秦笑鄒陽諫吳王書曰有白頭如新傾蓋如故何者知與不知也公治長非其罪世傳公治長能通鳥語不見于書但唐沈佺期詩不如黃雀語能免治長災白樂天烏鵲贈荅詩序云余非治長不能通其意似實有其事或在亡逸書中如衡波傳魯定公記之類今無所考耳

是用中宵而作達旦不瞑覩茲流螢之自明哀此覆盆之難照

王充論衡天下與地無異若覆盆之狀司馬遷云戴盆何以望天

夫類同而心異者龍蹲歸而宋樹伐質殊而聲合者魚形出而吳石鳴苟有會於精靈夫何患於異類

孔子至宋與弟子習禮于大樹下桓魋伐其樹孔子八表坐如龍蹲吳郡臨平岸崩出一石鼓打之無聲張華曰蜀有桐樹如魚形者出擊之有聲矣後果然然今杭州府城東北五十里有桐和山山下有石鼓疑此即

况乘時而變含氣而生雖造化之不殊亦昆蟲之一物

後漢馮衍論
與時變化

應節不憊信也與物不競仁也逢昏不昧智也避日不明義也臨危不懼勇也

禮記月令季夏之月腐草為螢故云應節憊差也詩不偕不賊競爭也后漢卓茂傳與物無競郭璞江賦瓊蚪飾曜以瑩珠石蛭應節而揚葩註石蛭形如龜脚春生花冬死故曰應節

事有沿情而動興因物而多懷感而賦之聊以自廣云耳伊玄功之播氣有丹鳥之賦象順陰陽而亭毒資變化而含養每寒潛而暑至若知來而藏往既發揮以外融亦含光而內朗

玄功見靈泉頌大戴記丹鳥羞白鳥註丹鳥螢也白鳥蚊也羞如養羞之羞食也如此則有競矣或曰羞進也有螢即有蚊也孝標辨命論生之無亭毒之心死之宜度劉之意註引老子亭之毒之蓋之覆之王弼註曰亭謂品其形毒謂成其實易乾道變化各正性命朱子本義變者化之漸化者變之成又繁詞神以知來知以藏往融明之盛也朗亦明也詩小雅既醉篇昭明有融高朗令終

若夫小暑南收大火西流池塘改夏雲物迎秋

月令季夏之月小暑至南收謂暑退也大火心星也以六月之昏加于地之南方至七月之昏則下而西流矣詩豳風七月篇七月流火塘隄岸也亦作唐謝靈運詩池塘生春草園林變夏禽即林塘改夏之意周禮保章氏以五色雲物辨吉凶之祲象青雲在日旁主出白主兵赤主旱黑主水黃主豐又左傳分至

啓閉必書雲物遂登觀臺以望春秋感精符云冬至有雲迎送日者來歲美後世獨用冬至書雲者非也忽臨虛而赴遠乍排叢而出幽如火齊之宵映如夜光之暗投逝將歸而未返忽欲去而中留

叢草木叢聚也南史天竺出火齊珠狀如雲母色如紫金列之則如蟬蛩積之則如紗縠之重沓鄒陽上吳王書曰明月之珠夜光之璧以暗投入於道路無不按劍相盼者何則無因至前也曹子建七啓若將飛而未逝若舉登而中留

入槐榆而焰發若改燧而環周繞堂皇而影泛疑秉燭以嬉遊點綴懸珠之網隱映落星之樓

槐榆鎖之皆有火如乃焚大槐春取榆柳之類是也
謂螢入槐榆若鑽燧改火之周徧韋孟諷諫詩四氣
鱗次寒暑環周皇寢門闕在門兩旁左傳宋人殺申
舟楚子投袂而起屣及於室皇文字書室無四壁曰
皇泛影不定貌古詩晝短苦夜長何不秉燭遊懸珠
網謂簷非也謝希逸咏月詩網軒映珠綴應門照綠
苔齊詩香風入珠網註網絡也漢武造甲乙帳絡以
隋珠和璧謝靈運直中書省詩玲瓏結綺錢深沈映
珠網又江淹餞袁淑詩雲旆象漢徙宸網餞星懸劉良
註謂天子車上珠網如天星之懸此又以車網為珠
網也左思吳都賦饗戎旅于落星之樓在今應天府
東北四十里吳大帝於落星山創三層樓山以星隕
名得

乍滅乍興或聚或散居無定所習無常翫曳影周流飄

光凌亂泛艷乎池沼徘徊乎林岸狀火井之沈熒似明珠之出漢值衝廳之不烈逢淫雨而逾煥

六朝魏瓘搗衣賦夜如何其秋兮已半曳魯縞攘皓腕始於搖拂終于凌亂蜀都賦火井沈熒於幽泉註火井在臨邛縣西南欲出其火先以家火投之少頃隆隆如雷聲焰出通天光燁十里以筒盛之接其光而無炭一統志迷火山西有火井深不可見底為氣上升常若微雷以草燹之煙騰火發名熒臺即臨邛地按火井在今犍為以火投之則火起而油出舟人取以燃火諸改者俱不及此未親履故也明珠出漢舊引韓詩外傳鄭交甫過漢皋遇二女祆服佩兩珠交甫曰願請子之佩二女解佩與之去十步探之則亡矣迴顧二女亦不見但梁蕭和螢火賦類乾沙之飛火若清漢之流星則漢天河也晉權翼曰每遇風

颺之會爾雅暴風從下上曰颺梁元帝咏螢著人疑
不熱集草訝無煙到來燈下暗翻在雨中然離騷衝
颺起兮水揚波盧謚與劉
琨詩操彼纖質承此衝颺

焰灼兮若湛盧之夜飛灼爍兮像招搖之夕爛與庭燎
而相炫然重陰於已昏共燭火而齊息避太陽於始旦

吳越春秋歐冶子為越王允常鑄五劍召薛燭示之
豪曹巨闕魚腸純鈞矣又示之湛盧燭曰善哉衝金
鐵之美吐銀錫之精可以折衝伐敵人君有逆謀則
去之他國允常以湛盧獻吳吳公子光弑吳王僚湛
盧夜飛如楚楚昭寤而得之問風胡子曰此劍直幾
何對曰赤堇之山已合若耶之溪深而不測羣神上天
歐冶已死雖傾城量金珠玉滿河不借一觀况駿馬
萬戶之都乎招搖北斗也禮記招搖在上詩小雅庭

燎篇庭燎之光周禮諸侯將朝則司烜以物百枚并而束之投于門內潘岳螢火賦翔太陰之玄昧抱夜光以清遊頻若飛燄之宵逝噫如移星之雲流動集測陽灼如隋珠熠燿熒熒若丹英之照葩飄飄頗頗若流金之在沙至夫重陰之多風雨晦冥萬物眩惑翻翻獨征奇姿燎朗在陰益榮克讓天下於許由曰日月出矣而燭火不息其於光也不亦難乎

爾其光不周物明足自資偶僂鼠而伺夜對飛蛾之赴
燭類君子之有道入暗室而不欺同至人之無迹懷明
義以應時

蝙蝠五百年者色白名為仙鼠食之成仙左傳齊莊公與臧紇言伐晉之功對曰多則多矣抑君似鼠夫

鼠晝伏夜動不穴於寢廟畏人故也今君伐晉亂寧
將事之非鼠何如宋少帝失德傅亮內懷憂懼直宿
禁中睹夜蛾赴燭作感物詩以寓意潘岳
螢火賦猶賢哲之處時時昏昧而道明

處幽不昧居照斯晦隨隱顯而動息俟昏明以進退委
性命兮幽玄任物理兮推遷化腐木而含彩集枯草而
藏煙不貪熱以苟進每和光而曲全豈如鎔金而自鑠
寧膏火之相煎陋蟬蛻之習蛻休螻蟻之慕膾匪傷蜉
蝣之夕不羨龜鶴之年搶榆飛而控地搏扶起而垂天
雖小大之殊品豈逍遙之異筌夫何化之斯化無使然

而自然

化腐集枯義見上文梁沈佺詠螢火詩火中變朽草
明滅靡恒調兩隊弗虧光陽昇反奪照泊樹類奔星
集草疑餘燎望之如可灼攬之徒有耀郭璞螢火贊
熠燿宵行蟲之微么出自腐草煙若散漂物之相照
孰知其陶老子無源章和其光同其塵註韜吾光明
混彼晦濁同其塵垢銘鏤皆以火銷金也莊子人間
世篇山木自寇也膏火自煎也詳見后程將軍篇王
充論衡蟻蠃化為腹育育化為蟬生兩翌其殼曰蛻
今蟬蛻是也蛻亦蟬也莊子羊肉不慕蟻蟻慕羊肉
壇也蜉蝣朝生暮死不能久存龜鶴壽皆千歲槍突
也榆木名搏拊豎徘徊而上也扶搖風也莊子逍遙
篇北溟有魚曰鯢鯢之大不知其幾千里也化而為
鵬鵬之背不知其幾千里也怒而飛其翼若垂天之
雲又曰鵬之徙於南溟也水擊三千里搏扶搖而上

者九萬里蜩與鷲鵲笑之曰我決起而飛搶榆枋時則不至而控於地而已矣奚以之九萬里而南為郭象註小大雖殊而放於自得之場則物任其性事稱其能各當其分逍遙一也列子曰有生不生有化不化不生者能生生不化者能化化

乃若有來斯通無往不至排朱門而獨遠昇青雲而自致匪偷光於鄰壁寧假燭於陽燧終徇已以致能靡因人而成事物有感而情動迹或均而心異響必應之於同聲道固從之於同類殆未明於趨舍庸詎識其旨意子尚不知魚之為樂吾又安能知螢之為利

青雲自致見上文緋袍匪舊註楊雄當途者昇青雲
史記伯夷贊非附青雲之士後世據此皆稱仕路為
青雲但高方易占書青雲所覆其下有賢人隱逸民
傳嵇康早有青雲之志南史陶弘景年十四五歲見
葛洪方書便有養生之志曰仰青雲覩白日不為遠
矣宋書劉瑀答何偃云一歲直造青雲晉書劉元海
人傑必致青雲之 upper 南史齊衡陽王鈞謂孔稚圭曰
身處未門而情遊滄海形入紫闥而意在青雲袁象
贈隱士庾易詩白日清明青雲瞭亮阮籍詩抗身青
雲中網羅孰能施李太白詩所以青雲人高歌在巖
戶王勃不隊青雲之志即浮雲之旨宋人始用青雲
字於登科逆襲至今本范曄楊子雲傳誤用之耳匡
衡好書家貧無油鄰家有火鑿壁以偷其光陽燧火
鏡也周禮陽燧以取火於日方諸以取水於月言以
陽燧照日而得火以方諸照月而得水毛遂傳曰公
等碌碌所謂因人成事者也易同聲相應同氣相求

莊子與惠子遊於濠梁之上莊子曰儻魚出遊從容
是魚樂也惠子曰子非魚安知魚之樂莊子曰子非
我安知我不
知魚之樂

高明兮有融遷變兮無窮牛哀倏而化虎羽泉忽兮生
熊血三年而歲碧魂一變而成虹知戰場之有憐悟寬
獄之為蟲彼翾飛之質弱尚矯翼而凌空何微生之多
躡獨宛頸以觸籠異壁光之照廡同劍影之埋豐覲道
迷而可復庶幽鑒而或通

淮南子牛哀病七日化為虎其兄啓戶而入搯殺之
方其為虎也不知其嘗為人也方其為人也不知其

將為虎也平子思攻賦牛哀病而成虎兮雖逢昆而
必噬左傳晉侯夢黃熊入于寢門韓宣子問子產對
曰克殛鯀于羽山其神化為黃熊入於羽淵實為夏
郊三代祀之晉為盟主或者未之祀也乎其言有
周賜子產莒之二方鬲周萇死於蜀藏其血三年
化為碧戰國策曰聶政刺韓相刺軻刺秦王並白虹
貫日燐鬼火也螢火亦一名燐戰場有燐天陰則見
漢武幸甘泉至長平坂道中有虫盤而覆地赤如生
肝頤目口齒悉具問東方朔對曰此為憤氣必秦獄
處也始皇拘殺無辜憤氣所生上按地面果然問何
以去之曰有憂者得酒而忘以酒灑之遂消楚詞東
君篇翔飛兮翠曾註翔小飛輕揚之貌曾舉也言巫
舞如鳥之舉揚雄解嘲得士者富失士者貧矯翼厲
翮恣意所存張華鷦鷯賦彼晨鳧與歸雁尚矯翬而
增逝曹植惡鳥論荆之梟將巢於吳鳩過之曰何去
荆而巢吳乎梟曰荆人惡子之聲鳩曰子如不能革

子之音則吳楚之民不異情也為子計者宛頸戢翼
勿復鳴可也左思詠史習習籠中鳥舉翮觸四隅落
落窮巷士抱影守窮廬又張華鷦鷯賦蒼鷹驚而受
繫鸚鵡慧而入籠皆受刺不得出也尹文子魏田父
豈得玉徑尺弗知隣人詐之曰怪石也畜之弗利田
父雖疑猶置廡下其夜明照一室其家大怖遽棄之
野隣人盜之獻王立賜獻者千金長食大夫祿楚莊
夫人夏挖鐵柱納涼心動有娠產下二鐵命匠者夫
婦干將莫耶鑄劍二千將匿其一以獻嘗在匣悲鳴
王以問伍舉對曰此劍必有雌雄不相得故鳴王召
訊干將乃出其一王怒殺干將夫婦以繫因以名劍
至西晉牛斗間嘗有紫氣張華聞雷煥妙達象緯問
之曰此何得有王氣曰此劍氣也在豫章豐城華即
補煥豐城令至掘獄基四丈餘得石函光氣非常中
有二劍以南昌西山土拭之光芒煥發送一與張留
一自佩華報曰此干將也莫耶何為不至然天生神

物終當合耳以華陰土拭劍勝南昌西山乃以一斤
遺煥煥子華見書勸父并送之煥曰我夜觀乾象晉
室將亂張公當受其禍此劍亦不久在人間終當化
去及華死難劍不知所在煥子華後為延平從事渡
延平津劍忽從腰間躍入水使沒水求之見兩龍焚
然嘆曰先君化去之言張公終合之論豈虛語哉按
一統志古豐城在今豐城縣西南三十一里劍池池
前有一石画長踰六尺廣半之土座其半俗呼石門
覽光華以自照顧形影以相弔感秋夕以殷憂嘆宵行

以熠燿

堯時卿士歌曰卿雲爛兮雨漫漫兮日月光華旦復
旦兮相如長門賦懸明月以自照兮徂清夜於洞房
王符潜夫論蓬中摧自照謂螢火也李密陳情表形
影相弔曹植責躬應詔詩形影相弔五情愧赧張華

勵志詩星火既夕忽焉素秋涼風振落熠燿宵流吉
士思秋實感物化日與月與往再代謝熠燿宵行呂
氏讀詩記云本草熠燿一名螢火陳思王螢火論曰
秋陰沈數兩螢火夜飛時故云宵行與今朱傳意異
潘岳螢火賦嘉熠燿之精將與衆類乎超殊東
山感而增歎行士慨而懷憂亦指熠燿為螢也

熠燿飛兮絕復連殷憂積兮明且煎見流光之不息愴
驚魂之屢遷如過隙之已矣同奔雷兮忽焉儻餘光之
可照庶寒灰之重燃

傅咸螢火賦潛空館之寂寂兮意遙遙而靡寧夜耿
耿而不寐兮憂悄悄而多傷哀斯火之煙滅兮近腐
草而化生感詩人之悠懷兮覽熠燿於前庭不以資
質之鄙薄兮欲增輝乎太清雖無補於日月兮期自

照於陋形謝玄暉郡內風望詩悵望心已極惆恍魂
屢遷莊子人生天地之間如白駒之過隙忽然而已
李斯傳人生如騁白駒過決隙註白駒日影也班固
西都賦震震焮焮雷奔電激郭璞遊仙詩登山撫龍
駒迅駕乘奔雷甘茂奔秦之齊遇蘇代使秦謂曰臣
聞貧富女會續貧女曰我無以買燭而子之燭光華
有餘可分我餘先無損子明而得一使馬今臣困而
君方使秦茂之妻子在馬願以餘光賑之代遂為言
於秦復召茂韓安國坐事下獄獄吏田甲辱之安國
曰死灰乃不復然乎曰然即溺之後安國復為內史
甲亡走安國
追還善過之

五言古詩

詠懷古意上裴侍郎

欽定四庫全書

駱丞集
卷一

十五

按唐書裴行儉字守約澤州聞喜人仁基子也
父被世充害謚曰忠蔭補弘文生舉明經調左
屯衛倉曹參軍與長孫無忌議武昭儀事左除
西州都督長史后擢吏部侍郎與李敬玄馬載
同典選時號裴馬以擒都支功拜禮部尚書兼
檢校右衛大將軍又降突厥伏念裴災害其功
封聞喜
縣公卒

三十二餘罷鬢是潘安仁四十九仍入年非朱買臣縱
橫愁繫越坎壈倦遊秦出籠窮短翮委轍涸枯鱗磨鉛
不需用彈鋏欲誰申天子未驅策歲月幾沈淪輕生長
慷慨效死獨殷勤徒歌易水客空老渭川人一得視邊

塞萬里可苦辛劍匣胡霜影弓開漢月輪金方動秋色
鐵騎拍風塵為國堅誠款捐軀志賤貧勒功思比憲決
策暗欺陳若不犯霜雪虛擲玉京春

潘岳字安仁三十二歲罷官作秋興賦序曰晉某年
余春秋三十二始見二毛朱買臣家貧賣薪給食束
薪且行誦書妻負載相隨止買臣毋行歌道中買臣
愈疾歌妻羞求去買臣笑曰吾年五十當富貴今已
四十餘矣汝苦日以待富貴報汝妻恚曰如公終餓
死買臣不能止聽去後買臣守會稽迎妻與後夫置
館中供具之妻慙自經蘇秦自鬼谷先生學為縱橫
之術又合從連衡事見蘇秦張儀傳絮越見後送之
問篇秦聲註坎壈字出楚詞志不平也遊秦見下贈
高四篇沈休文詩撥余發皇鑒短翮屢飛翻註翮鳥

翌勁羽也言乘對趙簡子鴻鵠高飛所恃者六翮也
楊子法言鷦鷯朋冲天不在六翮乎莊子貸粟監河侯
侯曰我將得邑金貸子三百金可乎周曰昨見中道
而呼者周顧視車轍中有鮒魚焉曰我東海之波臣
也若豈有升斗之水活我哉周曰我且說吳楚之王
激西江水迎子可乎魚曰吾升斗水活耳君乃言此
不如早索我於枯魚之肆賈誼弔屈原賦莫邪為鈍
兮鉛刀為銛班固幽通賦擲朽磨鈍鉛刀皆能一斷
班超在西域上書曰臣奉大漢之威而無鉛刀一割
之用馮驩聞田文好客躡蹻見之彈鋏而歌曰長鋏
歸來乎食無魚遷之幸舍食有魚矣又歌曰長鋏歸
來乎出無與遷之傳舍出有與矣又歌曰長鋏歸來
乎無以為家孟嘗君不悅既而代文收債會負者焚
其券文怒驩曰令薛民親君而彰君善聲也文謝之
后文以譏廢驩為行秦反間復文位荊軻為燕太子
丹刺秦王太子賓客知其事者皆白衣冠以送之至

易水上高漸離擊筑荆軻和而歌為變徵之聲士皆
垂淚涕泣又復為羽聲慷慨士皆瞋目髮盡上指冠
於是軻就車去終已不顧渭川人謂太公也韓信傳
廣武君曰臣聞知者千慮必有一失愚者千慮必有
一得後漢書西羌傳西羌人性堅剛勇猛得西方金
行之氣焉漢章帝竇后和帝時臨朝后弟憲侍中刺
殺都卿侯暢太后怒閉憲南宮憲懼求擊匈奴自效
遂破單于稽落山降二十餘萬出塞三千餘里登燕
然山命中護軍班固刻石勒功紀漢威
德而還陳平從漢高征伐凡六出奇計

夏日遊德州贈高四詩有序

德州秦為齊郡地漢析置平原郡治平原縣東
漢魏晉俱為平原國後魏改為郡又置安德郡
隋置德州復為平原郡唐置德州尋改平原郡
顏真卿起兵拒安祿山於此乾元初復為德州

治安德縣五代晉移治長河縣宋復移治安德
元因之本朝初省安德縣入州尋改舊治為陵

縣徙州治陵縣

城隸濟南府

夫在心為志發言為詩詩有不得盡言言有不得盡意

易繫辭子曰書不盡言言不盡意然則聖人之意其
不可見乎書舜典詩言志盧諶與劉琨書易曰云云
然則書非盡言之器言非盡意之具矣況言
有不得至於盡意書有不得至於盡言者耶

僕少負不羈長逾虛誕讀書頗存涉獵學劍不待窮工
進不能矯翰龍雲退不能棲神豹霧撫循諸已深覺勞
生

鄒陽上吳王書曰使不羈之士與牛驥同皁謂才行
高遠不可羈縻也司馬遷報任少卿書僕少負不羈
之行長無鄉曲之譽則似為不檢束之義史記賈山
涉獵書記不能為醇儒漢書班超有口辨而涉獵書
傳三國志孫權謂呂蒙曰孤豈欲治經為博士耶但
涉獵見往事耳註獵獸涉冰不詳得之謂也史記項
籍學書不成去學劍又不成易曰雲從龍風從虎聖
人作而萬物覩矯擧翰翬也即從龍之意列女傳陶
荅子為大夫名譽不興家富三倍其妻謂之曰南山
有文豹霧雨七日而不下食欲以澤其衣毛而成其
文章故藏身以遠害今君與此背不無後患乎
史記燕昭王日夜撫循其人勞生見螢火篇

而太夫人在堂義須奉檄固仰長安而就日赴帝鄉以
望雲雖史闕三冬而書勞十上

漢書張奉候毛義坐定府以義守安陽令檄至義奉之喜動顏色奉心賤之後義母死徵辟皆不就奉乃嘆曰賢者固不可測往日之喜為親屈也晉書明帝幼聰慧嘗侍元帝適長安使來上問之曰長安近日近對曰長安近日何以知之曰曾聞人從長安來不聞人從日邊來他日帝與侍臣復問之對曰日近上愕然曰何異向者之言曰舉頭見日不見長安帝大奇之華封人謂堯曰乘彼白雲至於帝鄉又陸機思親賦指南雲以高欽望歸風而效誠陸雲九愍眷南雲以興悲蒙東雨而涕零狄公望雲皆想此語觸目激中也漢書東方朔上書曰臣年十二學書三冬文史足用蘇秦說秦王書十上而說不行黑貂之裘弊黃金百斤盡資用乏絕去秦而歸羸膝履蹠負書擔橐形容枯槁面色黧黑歸家妻不下機嫂不為炊嘆曰妻不以我為夫嫂不以我為子

我為叔父不以我為子

長安古地名漢都關中始置為縣屬京兆尹王莽改
長安東漢復舊隋遷都始徙縣治于此唐因之五代
梁改大安縣後唐復曰長安至
今因之屬西安府隸陝西省下

嗟乎入門自媚誰相謂言致使君門隔於九重中堂遠
於千里

無名氏飲馬長城窟行入門各自媚誰肯相為言顏
延年樂府枯桑知天風海水知天寒入門各自媚誰
肯相謂言論食祿者自保不薦引也袁淑勅曹子建
樂府五侯競書幣群公亟為言楚詞豈不鬱陶而思
君兮君之門以九重註天子之門有九重關門遠郊
門近郊門城門皋門庫門雉門應門路門言其遠不
可至也管子曰堂上遠於百里
堂下遠於千里門庭遠於萬里

既而交非得兔路是亡羊華堂敬上弊廬竭來初服遂得載披玉葉欵洽金蘭傾意氣於一言締風期於千祀

莊子外物篇荃者所以在魚得魚而忘荃蹄者所以在兔得兔而忘蹄註荃香草也可以餌魚蹄兔跡也繫其足故曰蹄也列子說符楊子之隣亡羊既率其黨又請楊子之豎追之楊子曰噫亡一羊何追之者衆曰多岐路既返問追獲羊乎曰亡之岐路之中又有岐路吾不知其所之也楊子戚然變容不言者移時不笑者竟日陸士龍被命詩王在華堂式宴嘉令呂氏春秋膠鬲曰西伯竭去母欺我也武王曰不女欺將伐殷也膠鬲曰竭至曰將以甲子日至註竭何也劉向七言竭來歸耕永自疎顏延年秋胡妻詩竭來空復辭楚詞車既駕兮竭而歸皆蓋義相如大人賦回事竭來兮絕道不同平子思立賦回志竭來兮

猶玄謀陸士衡弔魏武咏歸途以及旆登清澗而竭
來似與庶士有竭之義同武貌初服隱居初衣之服
也楚詞進不入以離尤兮退將復脩吾初服曹子建
啓願反初服從士而歸列子說符宋人有爲其君以
玉爲楮葉者三年而成鋒殺莖柯毫芒繁澤亂之楮
葉中而不可別也此人遂以巧食宋國列子聞之曰
使天地之生物三年而成一葉則物之有葉者寡矣
金蘭見靈泉頌慕容寶言於父垂曰願不以意氣傲
恩忘社稷之重唐太宗謂尉遲敬德
曰大丈夫意氣相期勿以小嫌介意

雖交因意合資得意以敦交道契言忘少寄言而荃道

荃見
上文

是以輕投木李以代踈麻章句繁蕪心神媿慙庶弘雅

韻吟辱報章則覲耀連星開龍文於劍匣素輝虧月頻
驪頷於珠胎云耳

詩國風木瓜篇投我以木李報之以瓊玖言投之以
微物而報之以重寶也楚詞大司命篇折疏麻兮瑤
華將以遺兮離居註疏麻神麻不言何物按南越志
載疎麻大二圍高數丈四時結實無哀落乃佳果也
宋謝靈運詩握蘭勤徒結折麻心莫展註云皆香草
也或謂麻為紙如白麻黃麻之類東觀記曰蔡倫典
上方作紙用故麻做者謂之麻紙用木皮做者謂之
穀紙用故魚網者謂之網紙唐時嘗言麻紙恐此指
紙為言借楚辭字用之書庶草繁蕪字作蕪義皆豐
茂也平子思立賦竇號行於代路兮後庸祚而繁廡
恧亦媿也詩雖則七裏不成報章言織女星每日度
更七次不能成報我之文章覲當作僅枚乘七發白

及璫璫矛戟交錯註引六韜書刀銘曰刀利璫璫連
星龍文見螢火篇劍影埋豐註墨子楚之明月生於
蚌蜃其腹謂之珠胎淮南子珠胎與月盈虧又月死
而螺蚌焦左太冲吳都賦蚌蛤珠胎與月虧全註蚌
老者有珠其光上應月明隨月虧缺莊子列禦寇篇
人有見宋王錫車十乘以騎樛莊子莊子曰河上有
家貧恃緯蕭而食者其子沒於淵得千金之珠其父
謂其子曰夫珠在九重之淵而驪龍領下子能得珠
者必遭其睡也使寤子尚奚微之有哉今宋國非直
九重之淵也宋王非直驪龍也得車必遭其睡寤子
為齏粉矣

日觀隣全趙星臨俯舊吳隔津開巨浸稽阜鎮名都紫
電浮劍匣青山孕寶符封疆恢霸道問鼎競雄苗神光

包四大皇威震八區風煙通地軸星象正天樞

泰山東南有峰名曰觀難一鳴見日出已長三丈星
臨用張華識劍事見螢火篇鬲津九河之一周官雍
州其浸渭洛稽阜稽山之阜也矣有白虹紫電辟邪
流星青冥百里六劍滕王閣序紫電青霜是也趙簡
子謂諸子曰吾藏寶符於恒山往得者為後諸子競
往無所得無恤曰恒山臨代代可取也簡子曰是知
符矣遂立之楚子伐陸渾之戎觀兵周郊王使王孫
滿勞之問鼎之大小輕重焉滿曰在德不在鼎成王
定鼎於郊鄒卜世三十年歷七百周德雖衰天命未
改鼎之輕重未可問也老子象元篇道大天大地大
王亦大域中有四大而王居其一焉八區八方也或
云區別為八州博物志地祇之位起形於崑崙崑崙
東北地轉下三千六百里有八玄幽都下有四柱柱
廣十萬里地有三千六百軸互相牽制也天文志北

斗第一星為天樞此北斗非俗所云北斗乃俗所謂
子午星者也此節皆言德州趙古國名漢治邯

鄆縣晉初移治房子後魏廢國為趙郡治平棘北齊
置趙州隋置樂州後改趙州大業初改趙郡仍治平
棘唐復為趙州治栢鄉尋復治平棘天寶初改趙郡
後復為趙州宋置慶源軍宣和初升慶源府金改趙
州後改沃州元復為趙州屬真定路本朝以平棘縣
省入屬真定府英地廣星臨指豐城見後錢宋三之
豐城

序

天樞限南北地軸殊鄉國關門通舜賓比屋封堯德言
謝垂鈎隱來參負鼎職天子不見知羣公詎相識未展
從東駿空戢圖南翼時命欲何言撫膺長嘆息

天有北極南極北極半入地中南極皆在地上以天
樞為界魏主丕欲伐吳臨江見波濤洶湧歎曰固天
之所以限南北也舜典賓於四門四門穆穆註四方
之門古者以賓禮親邦國諸侯各以其方至而使主
焉故曰賓穆穆和之至也左氏所謂無凶人也此蓋
又兼四岳之官也又曰詢於四岳闢四門言舜既即
位乃謀四岳之官闢四方之門以來天下之賢王莽
傳克舜之時比屋可封皆德化所及也垂鈞即垂鈞
也王仲宣從軍詩竊慕負鼎翁願厲朽鈍資不能效
沮溺相隨把犁鋤註負鼎翁伊尹也劉備以龐統守
荊陽令政事不理魯肅遣備書曰士元非百里才徒
治中別駕之任始得展其驥足耳橐臺彥荅杜育詩
矯矯駿足繁纓未就陸韓卿詩駿足思長坂榮車畏
危轍莊子逍遙遊篇鵬云云九萬里絕雲氣負青天
然後南且適南溟也斥鴳笑之曰彼且奚適也我
騰躍而上不過數仞而下翱翔蓬蒿之間此亦飛之

至也而彼且奚適
也詳見螢火賦

歎息將如何遊人意氣多白雲梁山曲寒風易水歌泣
魏傷吳起思趙切廉頗淒斷韓王劍生死翟公羅

穆天子傳穆王宴西王母於瑤池西王母歌曰白雲
在天山陵自出道里悠遠山川間之將子無死尚能
復來陶弘景詩山中何所有嶺上多白雲易水事見
上裴侍郎詩歌曰風蕭蕭兮易水寒壯士一去兮不
復還吳起為魏將有功及公叔相害吳起公叔之僕
以起節廉喜名公叔尚魏公主今說武侯以公主延
起無留心則必亂起見公主賤魏相果辭武侯武侯
疑起不欲留起懼得罪遂去之楚廉頗為趙名將以
讒奔楚為將無功曰我思用趙人又漢文帝拊髀歎
曰嗟乎朕獨不得廉頗李牧之為將也蘇秦說韓王

曰請云寧為雞口毋為牛後今西面交臂而事秦何
異於牛後乎於是韓王勃然作色攘臂瞑目按劍仰
天太息曰寡人雖不肯不能事秦今主君詔以趙王
之教敬奉社稷以從翟公為廷尉賓客滿門及罷門
可張雀羅後復為廷尉賓客復往翟公書其門曰一
死一生乃見交情一貧一富乃見交態一貴一賤交
態乃見易水在保定府安州城北源自府境曹徐石
橋河一畝泉等河至北合流為易水又至雄縣南為
瓦濟河過直沽入海

羅翟公意劍負韓王氣驕餌去易論忌途良可畏夙
昔懷江海平生混涇渭千載契風雲一言忘賤貴

漢書班固報栢諱曰不結聖人之網不韙驕君之餌
任昉到大司馬記室牋雖情謬先覺而迹論驕餌註

爵祿君所以制使其臣猶釣魚之餌也莊子達生篇
夫畏途者十殺一人則父子兄弟相戒必盛卒徒而
後敢出又就藪澤處閒曠此江海之士避世之人也
又諫王篇中山公子牟謂瞻子曰身在江海之上心
居乎魏闕之下沈休文詩網蟲垂戶織夕鳥傍欄飛
纓佩空為忝江海事多違詩涇以渭濁註涇水出原
州百泉縣筭頭山東南至永興軍高陵入渭渭水出
渭州渭源縣鳥鼠山至同州馮翊縣入河涇濁渭清
二水合而清濁益分故言清濁有辨者曰渭中涇渭
甚明混則和光同塵之謂也風雲見上文龍雲註王
褒聖主得賢臣頌龍嘘而致
雲虎嘯而風冽亦本易之意

去去訪林泉空谷有遺賢言投爵里刺來泛野人船締
交君贈縞投分我忘荃成風郢匠斲流水伯牙絃

林泉隱者也詩皎皎白駒在彼空谷註賢者必去而不可留矣於是歎其乘白駒入空谷晉書夏侯榮聰慧七歲為文誦書日十言過目輒識文帝聞而請焉賓客百餘人人奏一刺悉書其鄉邑名氏世所謂爵里刺也客示之寓目遍談不謬一人帝深奇之漢中之敗十三死父難晉郭翻乘小船歸武昌庾翼造之欲引大船翻曰使君不以微賤而辱臨野人之舟也翼俯屈入其中終日不去左傳吳季札以編帶贈子產子產獻紵衣焉千字文交友投分忘筌見上文莊子過惠子之墓顧謂從者曰郢人墜慢其鼻端若蠅翼使匠石斲之匠石運斤成風聽而斲之盡墜而鼻不傷郢人立不失容宋元君聞之召匠石曰試為寡人為之匠石曰臣則嘗能斲之雖然臣之質死久矣自夫子之死也吾無以為質矣吾無以言之矣列子湯問篇伯牙鼓琴志在登高山鍾子期曰善哉我今若泰山志在流水鍾子期曰善哉洋洋今若江河

伯牙遊於泰山之陰卒逢暴雨止於岩下心悲乃援琴而鼓之初為霖雨之操更崩山之音曲每奏子期輒窮其趣伯牙乃舍琴而歎曰善哉善哉想像猶吾心也吾於何逃聲哉又見靈泉頌賞音註內

牙絃忘道術漳濱恣閑逸聊安張蔚廬詎掃陳蕃室

莊子魚相忘於江湖者也人相忘於道術者也漳濱指高四所居也天下水以漳名者最多趙晉間有清漳濁漳當陽有漳水潞上有漳水漳郡有漳江亳州有漳水安州有漳水潞州有漳水考其義清濁相睽為漳漳者文章也別也清漳濁漳合于上黨當陽即沮漳合流潞上即漳濱合流鄭郡即西江合流亳漳即漳渦合流雲夢即漳鄆合流潞州古治在雲霄之北即西林之水與東江合流如牛圭曰漳亦取判合為義德州在河北去臨清三百里臨清開下西來水名漳御河疑即上黨來者為漳濱也又見下篇漳水

濱註張仲蔚平陵人隱居不仕所居蓬蒿没人唯開
一徑陳蕃閑居庭宇荒穢父友薛勤往視之曰何不
掃除以待賓客蕃曰大丈夫出
處當掃除天下安事一室乎

虛室狎招尋敬愛混浮沈一諾黃金信三復白圭心霜
松貞雅節月桂朗中襟靈臺萬頃濬學府九流深譚玄
明毀壁拾紫陋簞金鷺濤開碧海鳳彩綴詞林

莊子人間世篇瞻彼閨者虛室生白註喻心能空虛
則純白獨生也招尋招來賓客也浮沈謂隱顯之士
也所以敬愛之如一分浮沈之異也司馬遷曰直
從俗浮沉與時俯仰與此浮沉字不類一諾二句俱
見靈泉頌魏劉公幹咏松亭亭山上松瑟瑟谷中風
風聲一何盛松枝一何勁風霜正慘淒終歲常端正

豈不罹霜雪松栢有本性酉陽雜俎月桂高五百丈
吳剛學仙有過謫令伐之樹創隨斫隨合朗中襟言
襟懷明明如月也莊子達生篇靈臺一而不桎註靈
臺心也南史王憲恬靜若萬頃波司馬遷曰諸子十
家其可觀者九家而已謂儒家道家陰陽家法家名
家墨家雜家縱橫家農家晉書嵇康阮籍之徒善談
玄理士慕效之註玄謂老莊之說莊子庾市子之毀
玉也淮南子註庾市子聖人無欲者人有爭財相鬪
庾市子毀玉於其間鬪者遂止註意言譚不以璧為
寶也漢夏侯勝為太子太傅每講授嘗謂諸生曰士
病不明經術經術苟明取青紫如拾芥耳韋賢長子
方山為高寢令次子弘東海太守少子玄成復以明
經歷位丞相故鄒魯諺曰遺子黃金滿籬不如教子
一經技乘七發波湧而濤起其始起也洪淋淋焉若
白鷺之下翔水經東海登岸萬里東有碧海廣狹浩
汗與東海等水不鹽苦正作碧色甘香味美扶桑在

中 碧海

林虛星華映水徹霞光淨霞水兩分紅川源四望通霧
卷天山靜煙銷太史空鳥聲流迥薄蝶影亂芳叢柳陰
低繫水荷氣上薰風

孔子家語五儀篇出於四門周章遠望楚詞河伯篇
登崑崙兮四望王仲宣登樓賦登茲樓以四望兮聊
暇日以消憂天山即祁連山也匈奴呼天曰祁連在
張掖酒泉二郡界去焉支山北可千里匈奴失二山
歌曰亡我祁連山使我六畜不蕃息失我焉支山使
我婦女無顏色一名雪山一名太白山以四時有雪
也唐薛仁貴三箭定天山即此在今哈密衛城北當
名折羅漫山匈奴過此下馬羅拜南二里有鹽池太

史見蕩子從軍篇迥遠也蔡生曰薄楚詞九章涉江篇
露辛夷死林簿注草木交錯曰簿又揚雄甘泉賦列新
雉於林簿槩塹通所
謂長江天塹者也

風月芳菲節物華紛可悅將歡促席賞遽爾又歸別積
水帶吳門通波連禹穴贈言雖欲盡機心庶應絕潘岳
本自開梁鴻不因熱一瓢欣狎道三月聊棲拙

吳門今蘇州門五湖之水所聚謂之震澤通波禹穴
義見靈泉頌曾子行晏子從於郊曰嬰聞之君子贈
人以言庶人贈人以財本老子謂孔子曰仁者贈人
以言孔子謂子路曰贈汝以帛乎贈汝以言乎子貢
過漢陰見丈人將為圃畦鑿隧而入井抱甕而出灌
楫澹然用力甚多而功寡子貢曰鑿木為機重後輕

前挈水若抽數若決湯其名為擇丈人忿然作色而笑曰有機械者必有機事有機事者必有機心吾非不知羞不為也晉潘岳字安仁鄉邑號奇童作籍田賦才名冠世出為河陽令後遷廷尉平仕宦不達作閒居賦漢梁鴻避地萊蕪山不交當世著飲水論一瓢三月用顛子事狎近也棲拙猶守拙也

棲拙隱金華狎道訪僊查放曠愚公谷消散野人家一頃南山豆五色東陵瓜野衣裁薜葉山酒酌藤花白雲離望遠青溪隱路賒倘憶幽巖桂猶冀折疎麻

此狎道又以路言之張華博物志人有居海渚者年年八月有浮楂去來不失期人有奇志立飛閣其上齋糧乘之十餘月至一處城郭廬舍甚嚴遙望宮中有織婦一丈夫牽牛渚次飲之問曰此何處答曰君

運至蜀問嚴君平至訪君平君平曰某年月日客星
犯牽牛織女也宗慄作荆楚歲時記乃云張騫按本
傳不言騫乘查不知何據說文查木浮水也或作槎
非查音訛邪斫也國語山不槎蘖是也王子年拾遺
記堯時巨查浮西海十二年一周天名貫月查一曰
挂星查道藏歌註扶桑不為查王勃送行序云夜查
之客猶對仙家坐菊之賓尚臨清賞劉道友有浮查
賦水經註臨海江邊有查浦字並作查杜甫詩查上
覓張騫又滄海有靈查皆作查惟七言絕有空愛槎
頭縮項鰻七言律奉使虛隨八月槎蓋七言乃俗夫
競玩遂肆筆妄改古體則視為冷局俗目不擊幸存
舊文耳齊桓逐鹿入谷見老父曰此愚公谷也公曰
視公狀貌非愚何以名之對曰臣故畜犗生子大賣
而買駒一少年曰牛不能生駒遂持駒去膚以臣為
愚管仲再拜曰夷吾之過也使堯舜在上咎繇為理
安有取駒者乎今臨淄縣西二十里有愚公冢北有

愚公谷楊惲報孫會宗詩田彼南山蕪穢不治種一
項豆落而為箕喻朝政荒亂百官不職也陶潛詩種
豆南山下草盛豆苗稀秦邵平封東陵侯秦亡失侯
種瓜東門外五色甜美世號東陵瓜又云青門瓜長
安東門遠望之青色故云楚詞若有人兮山之阿被
薜荔兮帶女蘿薜荔香草本草絡石也在石曰石鱖
在地曰地錦繞木曰常春藤又曰龍鱗薜荔又曰扶芳
藤今京師人家假山上種巴山虎是也藤花酒也白
雲見上文郭景純遊山詩青溪十仞餘中有一道士
青溪在今應天府治東三國吳鑿東渠名青溪天台
縣西五里亦有青溪又鬼谷子王弼隱於河南青溪
之鬼谷未詳何地皆指隱居之處也淮南子招隱詩
桂叢生兮山之幽喻賢人高隱也踈麻見上文朱謝
靈運詩史記云鬼谷儀秦之師楊升菴以為即鬼大
區非是又曰高似孫子畧便謂藝文志無鬼谷子何
輕於立論乎拾遺記鬼谷子云吾生於歸谷柳子云

劉向班固錄書無鬼谷子鬼

谷子後出妄言惑世難信

金華山一名長山一名金盆山越絕書此古聖採藥高且神黃初平於此成仙山之東有卧羊山即叱石處傍有小山名煉丹山山之西有尖峰山孤石特秀狀類芙蓉春秋時此地越西界秦屬會稽郡漢為烏傷縣仍屬會稽置東陽郡治長山縣晉屬揚州劉宋屬東揚州梁改置金華郡陳蕪置緡州隋皆廢以其地屬吳州尋置婺州治吳寧縣大業初廢州復為東陽郡治金華縣唐復為婺州天寶初改東陽郡乾元初復為婺州五代晉為武勝軍宋仍為婺州淳化初改軍曰保寧隸浙東路元置婺州路今改為金華府領縣七

一云邵平廣陵人為東陵令嘗為陳勝徇廣陵後為布衣種瓜長安城東今廣陵有東陵亭疑即平所封

也此與前註不同因并誌之

在江南贈宋五之問

之問字延清一名少連汾州人父令文高宗時東臺詳政學士世稱三絕之問偉儀雄辨甫冠武后召與楊炯分直賦詩奪東方蚪所先賜錦袍但有文無行為張易之奉溺器又媚武三思諂太平公主遷考功員外郎又結安樂公主睿宗立以擒險惡流嶺南

井絡雙源濬陽侯九派長淪波通地穴委輸下歸塘別島籠朝蜃連洲擁夕漲韞珠成積潤讓璧動浮光

井天井之星也河圖曰汶山之地上海井絡天以會昌神以建福岷山東北一百三十里岷江之源出焉

東北五十里岨江之源出焉謂之二江楚詞凌陽侯
之汜濫兮淮南子陽侯陽國之侯溺於水其神能為
大波荒史庖犧氏立仲起司陸陽侯司海又六佐中
之一也蒙求武王叱陽侯則曰海神也未詳孰是江
至尋陽分為九派一鳥江二蚌江三烏江四嘉靡
江五岨江六浮江七康江八提江九茵江郭璞江賦
源二分於岨岨流九派乎潯陽鼓洪濤於赤岸淪餘
波於柴桑木玄虛海賦於廓靈海長為委輸漢書順
流而下足以委輸註輸送委積也並去聲列子渤海
之東有大壑名曰歸塘其中有岱輿員嶠方壺瀛洲
蓬萊五山漢書海旁有蜃氣為樓臺朝時嘗見羣鳥
飛繞蜃有二解蚌義見上篇兵書云東海出氣如鱉
渭水出氣如蜃蜃形似蛇而大今寺門金剛風調雨
順執蛇者蜃也與順同音月令雉入大水為蜃註引
張華識武庫中雉云必蛭所化旁果有蛇蛭即蛇為
蜃也陸機賦石韞玉而山輝水藏珠而川媚地鏡苞

曰玉石之精也其在石中若山中石潤而浸旁有水其居地其氣青而浮其氣青白而圓光轉其地中常潤張文琮詠水詩標名資上善流派表靈長地而羅四瀆天文載五潢方流含玉潤圓折動珠光獨有蒙園吏棲偃玩濠梁

浮光疑折水積潤踈圓沁玉輪涵地開劍匣連星起風煙標迥秀英靈信多美懷德踐遺芳端操慙謀已

尸子凡水其方折者有玉其圓折者有珠木立虛海賦狀如天輪踈戾而激轉又似地軸挺拔而爭迴劍匣連星已見螢火篇埋豐註顏延年詩弱植慕端操窘步懼先迷

謀已謬觀光牽迹強恟惶揆拙迷三省勞生昧兩忘彈

隋空勸笑獻楚自多傷一朝殊默語千里暴炎涼

易觀卦六四觀國之光利用賓于王程傳五以剛陽
中正居尊位四切近之觀見國之德輝所宜效力輔
君以為君之賓禮三省即曾子事勞生已見螢火篇
莊子大宗師而其譽堯而非桀也不如兩忘而化其
道隋侯行遇大蛇頭上有血以杖挑放水而中去後
至蛇所見大蛇銜一珠來意疑不敢取夜夢踏一大
蛇驚覺乃得雙珠劉向說苑云蛇中斷侯以藥封之
後人名其處為斷蛇邱歲餘蛇銜明珠徑寸絕白有
光謝之此與前記小異莊子讓王篇以隋侯之珠彈
千仞之雀世必笑之夫生豈特隋侯之重哉棄生殉
物寧不悲耶楚卞和得璞獻楚厲王王使玉人相之
曰石也以和為謾刖其右足武王立獻之又刖其左
足文王立乃抱璞哭於荆山之下三日夜繼之以血
王使問之曰吾非病刖也吾獨悲夫美玉而名之以

石貞士而名之以詐王使破之
得美玉焉遂命曰和氏之璧

炎涼幾遷賀川陸疲臻湊積水架吳濤連山橫楚岫風

月雖殊昔星河猶是舊姑蘇望南浦邯鄲通北走

劉虬書玉燭登年金商在律炎涼始貿動靜惟安貿
易也湊如輻輳之輳吳多水楚多山故枚乘七發觀
濤乎廣陵之曲江而宋玉諸人亦以巫山九疑為詞
也姑蘇今蘇州也楚詞河伯篇送美人兮南浦江淹
別賦春草碧色春水綠波送君南浦傷如之何南浦
在今武昌府城南三里史記張釋之為中郎將從文
帝幸霸陵慎夫人從上指示夫人新豐道曰此走邯
鄲道也使夫人鼓瑟上倚瑟而歌意慘悽悲懷顧謂
羣臣曰嗟乎以北山石為鄼用紵絮斷陳漆具間豈
可動哉釋之曰使其中有可欲者雖錮南山猶不足

時況石柳哉文帝初封代郡鄆道通代言之寓思舊也又滕公言季布曰此不北走胡南走越耳走去聲姑蘇春秋時吳地名秦已為吳縣即會稽郡治所東漢永建中置吳郡晉宋齊因之陳於縣置吳州隋唐屬蘇州宋為平江府治元仍舊今改蘇州治所郡郭古邑名春秋屬晉戰國為趙都秦滅趙置邯鄲郡漢廢郡為縣屬趙國晉魏屬廣平國隋初屬磁州後省入洛州唐初復置屬洛州後改屬磁州宋仍舊至今改屬廣平府

北路平生親南浦別離津
瀟湘一起忽洞庭多苦辛
秋江無綠芷寒汀有白蘋
采之將何遺故人潭水濱

瀟湘二水名洞庭湖今在湖廣岳州府城南禹貢九江孔殷註云即洞庭也沅漸元辰叙酉豐資湘九水

皆合于此名爲五瀦戰國策秦與荆戰大破之取洞庭五瀦是也每歲六七八月間岷峨雪消水暴漲自荆江逆入洞庭清流爲之改色史記左洞庭以天子在北洞庭在西故曰左也湘水在長沙府西環城而下源出廣西興安縣海陽山西北流至分水嶺分爲二派流而南曰漓水流而北曰湘水由靈渠與灌水會湘猶相也言有所合漓猶離也言達湘南流湘水至永州與瀟水合曰瀟湘至衡陽與蒸水合曰蒸湘至沅州與沅水合曰沅湘合衆流以達洞庭楚詞扈江離與薜芷兮細秋蘭以爲佩芷香草也又湘夫人篇白蘋兮騁望與佳期兮夕張註蘋草秋生似莎而大白色爲鳳所食又湘君篇捐余玦兮江中遺余佩兮澧浦采芳洲兮杜若將以遺兮下女註湘君既不可見而心終不忘猶欲解玦佩以爲贈而又不取顯然致之以當其身故但委之于水濱若捐遺然猶聘禮賓行致禮而不拜也猶恐意不達采香草欲遺侍

女使通其意梁柳惲江南曲汀洲采白蘋日晚江南
春洞庭有歸路瀟湘逢故人渾水濱見前送高四篇

渾濱已遼遠江潭未旋返為聽短歌行當想長洲苑露

金薰菊岸風佩搖蘭坂蟬鳴稻葉秋鴈起蘆花晚

楚詞漁父篇屈原既放游於江潭行吟澤畔古樂府
有燕歌行長歌行放歌行朝歌行艷歌行怨歌行前
緩聲歌行摧歌行鞠歌行短歌行蔡歌行陳歌行枚
乘上吳王書園守禽獸不如長洲之苑左思吳都賦
帶朝夕之澹池佩長洲之茂苑長洲苑本吳閶閨遊
獵處在太湖北岸漢為吳縣地自晉至隋皆因之唐
萬歲通天初置長洲縣至今因之編戶六百三十九
里附郭蘇州蘭佩見上文註曹植公宴詩秋蘭披長
坂朱華冒綠池稻葉秋如麥秋之秋鴈
畏寒秋南春北蘆花秋時也故云鴈起

晚秋雲日明亭臯風霧清獨負平生氣空牽搖落情占
星非聚德夢月詎懸名寂寥傷楚奏淒斷泣秦聲

司馬相如上林賦亭臯千里註澤曲曰臯楚詞九辨
蕭瑟兮草木搖落而變衰悵悵兮若在遠行登山臨
水兮送將歸喻叔世主昏政亂傷搖落彌嗟憂衰桓大
樹賦沈淪窮蒼蕪沒荆扉既傷搖落彌嗟憂衰桓大
司馬聞而歎曰昔年移柳依依漢南今看搖落悵
愴江潭樹猶如此人何以堪陳寔字仲弓從諸子佐
造荀季和于時德星見太史奏五百里內有賢人聚
閭澤夢名字炳然在月中楚詞沱寥兮天高而氣清
寂寥兮收潦而水清左傳晉侯觀於軍府見楚鍾儀
問曰南冠而縶者誰也有司對曰楚囚也問其族曰
伶人也與之琴操南音公曰君子也言稱先職不肯
本也樂操土風不忘舊也魏王粲登樓賦鍾儀幽而楚

奏兮張儀穽陳軫於秦王王謂軫曰吾聞子欲去秦之楚亦思寡人不軫曰昔越人莊舄仕楚執珪而病楚王曰舄故越鄙細人也今富貴矣亦思越不舄謝對曰凡人之思故在其病也彼思越則越聲思楚則楚聲使人聽之尚越聲也今臣雖棄逐之楚豈能無秦聲哉

秦聲懷舊里楚奏悲無已郢路少歌人叢臺富奇士溫
煇凌愛日壯氣驚寒水一顧重風雲三冬足文史

楚裏美宋玉之才憎其似屈原也謂之曰子盍從楚之俗使人貴子之德乎對曰客有歌於郢中者始而為下里巴人國中唱而和者數千人中而為陽阿薤露國中唱而和者數百人其為陽春白雪國中屬而和者不過數十人引商刻羽雜以流徵國中屬而和者不過數人而已是其曲彌高其和彌寡故鳥有鳳

而魚有鯢士亦有之夫聖人瑰意奇行超然獨處世俗之民又安知臣之所為哉夢溪筆談云世稱善歌者曰郢人郢州至今有白雪樓此乃因宋玉之言也今考其詞客歌于郢中非郢人歌乃不能和客之歌者也襄陽耆舊傳雖云楚有善歌者歌陽菱白露朝日魚麗和之者不過數人復無陽春白雪之名又今郢州本謂之北郢亦非古之楚都或曰楚都在今宜城界中有故墟尚在亦非郢也乃鄢也據左傳楚成公使鬬宜申為商公沿漢沂江將入郢王在渚宮下見之汧漢至于夏口然後沂江則郢當在江上不在漢上也又在渚宮下見之則渚宮蓋在郢也楚徒都丹陽在今枝江文王遷郢昭王五遷皆在今江陵境中杜預註左傳楚國即今江陵縣北紀南城也靈運鄢中集詩南登宛郢城今江陵北十二里紀南城即古鄢都鄢陽諫吳王書夫全趙之時武力鼎峙服蕞臺之下者一旦成市註蕞臺趙王之臺在邯鄲表

淑詩荆楚多壯士宛洛富少年梁劉孝綽詩東山富
遊士北土無遺彥左傳鄆舒問賈季曰趙盾趙衰孰
賢曰趙衰冬日之日也趙盾夏日之日也冬日可愛
夏日可畏驚寒水即上篇易水歌意蘇代欲見齊王
王怨蘇秦不欲見代代說淳于髡曰人有賣駿馬者
三日立於市人莫與言及見伯樂環而視之去而顧
之一旦而價十倍足下有意為臣伯樂乎又謝玄暉
和王主簿詩平生一顧重風骨千金賤註列女傳楚
成王夫人鄭瞞王登臺夫人不顧王曰顧吾
與汝千金遂行不顧三冬足文史見上篇

文史盛紛綸京洛多風塵猶輕五車富未重一囊貧李
儒非易託蘇鬼曲難因不惜勞歌盡誰為聽陽春

漢書慶雲之象紛紛綸綸井井通五經善談論京師
為之語曰五經紛綸井井大春梁王僧儒與陳居士書

稟紛綸之高論承希微之妙旨陸士衡詩京洛多風塵素衣化為緇莊子天下篇惠施多方其書五車其道外馭其言也不中東方朔謂武帝曰臣長九尺亦俸粟一囊趙壹疾邪賦曰文籍雖滿腹不如一囊錢伊優北堂上翫麟倚門邊郭林宗見河南尹李膺膺大奇之遂相友善於是名震京師後歸鄉里衣冠諸儒送至河上車數千兩膺惟與林宗同舟而濟衆賓望之若神仙馬蘇秦之楚三日乃得見王談卒辭行王欲留之秦曰楚國食貴于玉薪貴于桂謁者難見於鬼王難見于帝今臣食玉炊桂因鬼見帝其可得與詩鴻鴈於飛哀鳴嗷嗷維此哲人謂我劬勞維彼愚人謂我宣驕註歌多出于勞苦而不知者嘗以為驕也韓詩云勞者歌其事陽春見上文郢路註

五言律詩

於紫雲觀贈道士詩 有序

周穆王因尹軌真人置草樓觀召幽
逸人居之謂之道士此稱道士之始

鄉國一辭江山萬里昔年離別還同塞北之鳬今日歸
來即似遼東之鶴

蘇武留匈奴十九年既而得歸別李陵詩曰雙鳬俱
北飛一鳬獨南翔子今留北土我今歸故鄉遼東華
表柱千年有鶴鳴于其上曰有鳥有鳥丁令威去家
千載今來歸城郭半是人民非何不學仙塚累累註
丁令威人名化鶴而為言也

先生情均得免忘荃之契已深路是亡羊分岐之恨愈

切不題短什何汰衷襟

得兔忘荃亡羊分岐俱見前贈高四篇詩小雅鹿鳴之什二之一註雅頌無諸國別故以十篇為一卷而謂之什猶軍法以十人為什也汰如沙汰之汰散去也

碧落澄秋景玄門啓曙闕人疑列禦至客似令威還羽蓋徒欣仰雲車未可攀只應傾玉醴時許寄顏顏

落如院落之落以秋色碧言之也秋景曰澄景曰朗景又曰清景九月謂之玄月借其字以名門也平先曰曙闕字用老子出關意見後贈李榮篇列子名禦寇與鄭綵公同時其學本於黃帝老子號曰道家孝景時貴黃老其書頗行於世及後遺落散在民間且多寓言與莊周相類故司遷不為列傳令威見上文

遼東鶴註宋玉高唐賦有翠蓋字註以翠羽為蓋魏
文芙蓉池詩卑枝拂羽蓋脩條摩蒼天又西北有浮
雲亭亭如車蓋郊祀志文成言於漢武帝言上欲與
神通非象神宮室被服神不至乃作畫雲氣車甲兩
戊庚壬日各以其色駕之嵇康洛中賦六龍儼其齊
首載雲車之容喬春秋歷序曰人皇乘雲車出谷口
魏武古樂府願得神之人乘雲車驂白鹿上到人之
阿來賜神之藥張衡思玄賦喻青岑之玉醴兮餐沆
瀣以為糧十洲記瀛洲有玉膏如酒名玉醴飲
數升令人長生衛玠醉入市人以為玉山之將頽

在獄詠蟬詩

有序

余禁所禁垣西是法廳事也有古槐數株焉雖生意可
知同殷仲文之古樹聽訟斯在即周召伯之甘棠

晉書殷仲文少有才藻美容貌大司馬桓溫妻以女
溫子玄篡位仲文以佐命親貴帝反正抗表待罪乞
歸不許因月朔與衆至大司馬府有老槐樹顧之良
久嘆曰槐樹婆娑無復生意忽遷守東陽意彌不
平後伏誅詩召伯甘棠蔽芾甘棠勿翦勿伐召伯
所茇序曰召伯循行南國成舍甘棠之下以布文王
之政而聽訟焉故後人思其德愛其樹而
不忍傷之也故詩下章有速我訟之句

每至夕照佢陰秋蟬踈引發聲幽息有切嘗聞豈人心
異於曩時將蟲響悲乎前聽

日西落影反照於東謂之夕照亦曰反照亦曰反景
低與互同踈與踈同長也曲慢聲曰引魏文帝詩草
蟲鳴何悲孤鴈獨南翔陸機
詩頓轡倚高岩側聽悲風響

嗟乎聲以動容德以象賢故潔其身也稟達人君子之
高行蛻其皮也有僊都羽化之靈姿候時而來順陰陽
之數應節為變審藏用之機有目斯開不以道昏而昧
其視有翼自薄不以俗厚而易其貞吟喬樹之微風韻
資天縱飲高秋之隊露清畏人知

書微子之命篇惟稽古崇德象賢統承先王註象賢
謂其後嗣有象先聖王之賢者則命之以主祀也吳
都賦桂父煉形而見色赤須蟬蛻而附麗淮南子蟬
飲而不食三十日而蛻註蛻悅音蟬未脫時名腹育
蛻其皮即為蟬藥有蟬蛻即其形也世言蛭蛻乃蛻
娘轉蜚者別是一種不能化也道士白日化羽翼飛

升上天謂之羽化列僊傳赤須仙人食栢葉齒落復
生化身而去陸雲曰蟬有五德頭上有綾文也含氣
飲露清也黍稷不享廬也處不巢居儉也應候守節
信也禮記月令仲夏之月蜩始鳴夏蟬也孟秋之月
寒蟬鳴秋蟬也此蓋指秋蟬耳晉胡質為荊州子威
自京師省之質賜之練一匹威曰安得此質曰此吾
俸祿之餘也後威為徐州帝問卿清何
如父對曰臣清畏人不知父清畏人知

僕失路艱虞遭時微纒不哀傷而自怨未搖落而先衰
聞蟪蛄之有聲悟平反之已奏見螳螂之抱影怯危機
之未安感而綴詩貽諸知己

艱虞難度之地也晉書多用之易坎上六係用徽纒
寘於叢棘三歲不得程傳上六以陰柔而居險之極

其陷之深如繫縛之以微纆因於叢棘之中至三歲
不得免也楚詞淮南子招隱篇蟋蟀鳴兮啾啾註夏
蟬也風土記秋日蟋蟀鳴于朝寒蛩鳴于夕漢書戾
太子傳太子多所平反毛氏曰平反理正幽枉也顏
師古曰反罪人辭使從輕而出也秋將決獄故聞蟬
知奏平反吳王伐荆令敢諫者死孺子欲諫懷彈挾
九隱於後園樹下露沾其衣如是者三朝王曰孺子
何苦對曰蟬居高飲露不知蟾蜍在其後蟾蜍抱蟬
不知黃雀在其後黃雀又不知臣挾
彈而伺之臣亦不知露之沾其衣也

庶情沿物應哀弱羽之飄零道寄人知憫餘馨之寂寞
非謂文墨取代幽憂云耳

莊子讓王篇堯讓天下於許由不受又讓於子州支
父父曰以我為天子猶之可也雖然我適有幽憂之

病方且治之未暇治天下也註幽憂病深固也詩小雅正月篇窳憂以痒註窳憂幽憂也

西陸蟬聲唱南冠客思侵那堪玄鬢影來對白頭吟露重飛難進風多響易沈無人信高潔詎為表子心

左傳申豐曰古者日在北陸而藏冰西陸朝覲而啓之註陸道也夏正十二月日在虛危冰堅而藏之奎婁昴畢乃西方之宿春分之中奎星朝見東方夏正三月日在昴畢出冰而用之按此則西陸乃春時也虞子陽詩蓐收清西陸未臧將由白司馬彪續漢書曰日行北陸謂之冬西陸謂之秋若作秋景本後二語言之也南冠見前送之問篇楚奏註司馬相如過茂陵見女子綠鬢白齒欲聘之為安卓文君作白頭吟以自絕其詞曰淒淒重淒淒嫁女不須啼應得同心人白頭不相離蟬項下有綏似冠綏額旁有縷痕

似鬢故用

冠鬢字

途中有懷

睠然懷楚奏悵矣背秦關
涸鱗驚煦轍隊羽怯虛彎
素服三川化鳥裘十上還
莫言無皓齒時俗薄朱顏

詩小雅大東篇睠言顧之註顧貌楚奏見前贈之問
篇禮悵悵乎其何之註茫然自失之貌晉書趙至字
景貞代郡人與嵇康兄子蕃友善將去遼西與蕃書
叙別之情并陳其志曰昔李叟入秦从關而歎梁生
適越登岳長謠夫以嘉適之舉猶懷戀恨况乎不得
已者哉涸鱗煦轍見前上裴侍郎詩註楚春申君欲
將臨武君魏加白異日者更羸與魏王處京臺之下
曰臣為君引弓虛發而下鳥有間鴈從東方來更羸

欽定四庫全書

馬月
卷一

虛發而下之魏王曰射可以至此乎更羸曰此孽也其飛徐者故瘡痛也悲鳴者久失羣也故瘡未息而驚心未去也聞弦者音烈而高飛故瘡墮也臨武君嘗為秦孽而可拒秦乎陸士衡詩京洛多風塵素衣化為緇常昭曰洛陽有伊洛河三水故名三川陽休之說涇渭洛亦為三川即周之王城下都也秦於洛陽置三川郡漢置河南郡東漢都於此置河南尹三國魏置司州晉亦都此符秦改豫州劉宋仍司州後魏改洛州徙都之又改司州亦為河南尹後因改東京隋煬帝徙都此改豫州唐初為洛州置都督府高宗改中都尋改神都天寶改東京五代梁為西都唐改東都晉改西京宋因之金置德昌軍號中京置金昌府元為河南路即今河南府是也烏裘十上見前贈高四序註曹植釋詩篇時俗薄朱顏誰為發皓齒俯仰歲將暮榮耀難久恃

出石門

石門不知何石門周赧王五年秦敗三晉之師于石門賜以黼黻之服石門趙氏世家作石阿正義曰在石隰二州界廣州有石門在番禺縣北二十里昔南越相呂嘉積石于江以拒漢因名吳隱之至石門酌貪泉即此下云至分陝即恐是趙晉之石門在今平陽府解州東南白徑嶺踰中條山通陝州道山嶺參天古石壁立間不容軌

層巖遠接天絕頂上棲煙松低輕蓋偃藤細弱鉤懸石
明如挂鏡苔分似列錢暫策為龍杖何處得神僊

低字見咏蟬篇當作平音乃叶蓋鉤以松藤之象也
楊雄蜀王本紀武都丈夫化為女子顏色美麗蓋山

精也蜀王納以為妃無幾物故乃發卒于武都擔上
葬於成都郭中號曰武擔以石作鏡一枚表其墓見
長念之情也西魏時改墊江為石鏡縣宋改石昭今
為州屬重慶府杜詩蜀王將此鏡送死至空山冥冥
憐香骨提携近玉顏眾妃無復嘆十騎亦虛還獨有
陽心石湮淪玉宇間西都賦金缸銜璧是為列錢註
璧中之橫帶行列似錢也蒼苔之色亦似錢何晏景
福殿賦皎皎白閭離離列錢費長房學仙壺公歸公
以一枝與之曰騎此任所之長房抵家投
葛陂中化龍而去策謂曳杖似策馬也

至分陝

周時以周公召公為二方伯自陝以東周公主
之自陝以西召公主之綱目秦伐魏取垣蒲註
垣古邑名即周召分陝之處春秋時屬晉戰國
屬魏秦漢為垣縣地屬河東郡後魏置邵郡及

白水縣後周蕪置郿州改縣曰亳城隋改垣縣屬絳郡義寧初置郿原郡唐改郿州貞觀初廢以縣屬絳州宋改垣曲縣金仍舊元省入絳縣尋復置今改屬平陽府

陝西開勝壤召南分沃疇列樹巢維鵲平渚下睢鳩

棠疑勿剪曳葛似攀樛至今王化美非獨在隆周

陝西自陝以西也非主一地言之召地名召公奭之采邑舊說扶風雍縣南有召亭即其地今雍縣自宋折為岐山天興二縣未知召亭的在何處南南國之詩言自方伯之國被於南方也詩召南鵲巢篇維鵲有巢美女子被后妃之化也周南關雎篇關關雎鳩美文王后妃之德也摠棠見味蟬篇曳葛句用南有樛木葛藟累之之詩亦美后妃能連下衆妾樂其德而稱願之也

至汾水戍

汾源出嵐州靜樂北管岑山東南入并州即西南經絳州蒲州東北歷安邑西南入河

行役忽離憂復此愴分流
濺石迴湍咽紫叢曲澗幽
崖嘗結晦宿莽競含秋
况乃霜晨早寒風入戍樓

楚辭朝搴阰之木蘭夕攬洲之宿莽又願傲幸而有待兮宿莽與野草同死謝靈運征賦拍宿莽以迷徑觀生煙而知堪註草冬生不死者楚人謂之宿莽即拔心草也屈原以木蘭去皮不死宿莽拔心不死故取以自喻

北眺春陵

張平子西京賦南望杜霸北眺五陵眺視也春陵漢之鄉名元朔五年以零陵郡治道縣春陵鄉封長沙王子買為春陵侯至再侯仁請徙南陽郡元帝時乃徙蔡陽縣白水鄉望氣者蘇伯阿見春陵城歎曰氣佳哉鬱鬱蒼蒼及光武即位改章陵今襄陽府襄陽縣南三十里

總轡疲宵邁驅馬倦晨興既出封泥谷還過避雨陵山

明行照上谿宿密雲蒸登高徒欲賦詞殫獨撫膺

隗囂姊子王元曰願以一丸泥為大王東封函谷關左傳秦穆欲襲鄭蹇叔諫不聽其子與師哭而送之曰晉人禦師必於穀穀有二陵焉其南夏后臯之墓其北陵文王之所避風雨也必死是間余收爾骨焉穀山今陝縣東二穀是也元和志云東穀至西穀三十五里在秦關之東漢關之西括地志穀山一名嶽

岑山在洛州永寧縣西北即古之穀道也行照猶云
行月易小畜密雲不雨自我西郊毛萇詩傳登高能
賦可為大夫張華雜詩永
思慮崇替慨然獨拊膺

望鄉夕泛

歸懷到不安促榜犯風濶落宿含樓近浮月帶江寒喜
遂行前志憂從望裏寬今夜南枝鵲應無繞樹難

司馬相如子虛賦榜人歌謝瞻詩榜人理行轡輶軒
命歸僕註榜人舟人榜猶謗也以歌聲名之也落宿
本落星字用之見螢火賦曹操軍赤壁把酒臨江賦
詩曰月朗星稀烏鵲南飛繞樹三匝無枝可依本識
劉備為已所逐不知反
為已兵敗步走之識

久客臨海有懷

臨海春秋戰國時越地秦屬閩中郡漢初為東
甌國后東甌內徙以其地置回浦縣屬會稽郡
又南部都尉治此東漢初改回浦曰章安縣吳
以會稽東部為臨海郡治臨海縣徙治章安梁
改赤城郡尋廢陳復置章安郡隋罷唐初置海
州尋改台州至德初移治始豐縣陞德化軍宋
復為台州屬浙東路元改台州路
今台州府附郭臨海縣屬淞江道

天涯非

疑是升字

日觀地岳望星樓練光搖亂馬劍氣上連

牛草濕姑蘇夕葉下洞庭秋欲知淒斷意江上步安流

日觀見高四篇爾雅隄隅高者曰岳星樓見螢火篇
孔子與顏回俱登太山孔子望吳閭門外有繁白馬

引顏回指示之曰若見吳門乎曰見之有若一疋練然則馬之先景一疋長耳故後人呼馬為一疋因與回俱下回髮白齒落遂病死劍氣連牛見螢火篇淮南王安謀反伍被諫曰臣聞子胥諫吳王曰臣今見麋鹿遊姑蘇之臺也今臣亦見宮中生荆棘露沾人衣也楚辭洞庭波兮木葉下又令沅湘兮無波使江安流

姑蘇春秋時吳地名秦為會稽郡治所東漢永建中置吳郡晉宋齊因之陳于縣置吳州隋唐屬蘇州宋為平江府治元仍舊今為蘇州府治所附郭吳縣長洲

遊兗部孔君自衛來欣然相遇若舊

兗禹貢州名春秋時為魯國治曲阜縣戰國屬楚秦為薛郡漢為瑕邱縣屬山陽郡東漢因之

晉省入南平縣屬高平國隋復置瑕邱縣為魯
郡治唐為兗州治宋初改滋縣後改滋陽縣取
山為名金元因之今為兗州府附郭滋陽衛見
後傷祝阿王明府朝歌註孔若思越州山陰人
陳史部真四世孫祖紹安與孫萬壽皆以文詞
稱時謂孫孔若思早孤母躬訓教長以博學聞
推明經歷庫部郎中置止水一石于座右明自
足意五王當國以若思多識政事必咨而後行
三遷禮部侍郎出刺衛州後以
清白擢銀青大夫累封梁郡公

遊人自衛返客背隔淮來傾蓋金蘭合忘荃玉葉開繁
華明日柳疎蒨落風梅將期重交態時熨不然灰

淮水名出漢陽桐柏山槐樹下故名曰淮由泗州經
清河淮安入海孔子之鄭程子遇之途傾蓋而語孔

子顧子路取束帛贈之金蘭見靈泉頌忘荃
玉葉交態俱見高四篇不然灰見螢火賦

西京守歲

西漢都關中東漢都洛陽于是以關中為
西京洛陽為東京唐亦都關中依漢故

閑居寡言宴獨坐慘風塵忽見嚴冬盡方知列宿春夜
將寒色去年共曉光新耿耿他鄉夕無由展舊親

詩國風氓篇言笑晏晏陸機狹
斜行余本倦遊客豪彥多舊親

白雲抱幽石

謝靈運詩白雲抱幽石綠篠媚清澗此以其句
為題也隋孔範賦得白雲抱幽石詩白雲浮遠

蓋飄飄遶石飛帶蓮紫錦色拂鏡下仙衣陣結
香爐隱羅成玉女微能感荆王夢陽臺雜雨歸

重巖抱危石幽澗曳輕雲繞瑱僊衣動飄蓮羽蓋分錦

色連花靜苔光帶葉薰距知吳會影長抱穀城文

瑱充耳也以美石似玉者為之仙衣猶霓裳霞衣也
太華山有石蓮峯羽蓋見紫雲觀贈道士篇錦色以
石言亦可有雲錦亦有錦石也黃帝與蚩尤戰于涿
鹿常有五色雲氣金枝玉葉止于帝上因作華蓋詩
序言蓋本此易通穀雨大陽雲出張如車蓋魏文帝
詩西北有浮雲亭亭如卓蓋惜哉時不遇適與飄風
會吹我東南行行行至吳會吳會非我鄉安能以留
滯棄置勿復陳客子膏畏人張良遊圯橋上遇老人
令下橋取履欲歐之憫其老為取跪進老人以足受
之曰孺子可教因與約後五日至此老人已先在老

人怒曰與老人期何後也又期亦如之良乃半夜往
者人喜授以書乃太公兵法曰讀此可為帝者師后
濟北穀城山下黃石即我也既而從漢高經穀城果
見黃石乃取而葆祠之良死并葬黃石每上冢伏臘
祠黃石吳會謂三吳之都會今蘇州也一統志
云世稱吳門為吳會謂其地本吳會稽二郡也

春雲處處生

陳蔡疑賦得春雲處處生詩春色遍空明春雲
處處生入風衣暫飲隨車蓋轉輕作葉還依樹
為樓欲近城含愁上對影似有
別離情此亦以賦句為詩題也

千里年光靜四望春雲生
整日祥光舉踈雲瑞葉輕
蓋陰籠迥樹陣影抱危城
非將吳會遠飄蕩帝鄉情

四望見贈高四詩塹日環日如城壘也春雲又曰疎雲疑有誤字瑞葉蓋陰俱見上篇及本題註陣影見蕩子從軍賦吳會見上篇帝鄉見贈高四詩

同辛簿簡仰酬思玄上人林泉四首

聞君招隱地髣髴武陵春緝芰知遠楚披蓊似避秦崩查年紀積幽草歲時新一謝滄浪水安知有逸人

陶淵明桃源記晉太元中武陵人黃道真捕魚從溪行忘路遠近忽逢桃花林夾岸黃花鮮美林盡得山有小口初狹行四五步豁然開明邑屋相連雞犬相聞男女衣着悉如外人見漁父驚為設酒食云先世避秦率妻子來此遂與外間隔不知有漢又安知有晉既出白太守劉歆遣人隨尋之迷不復得楚辭緝

芰荷以為衣兮紉秋蘭以為佩遠楚本孟子遠秦楚之路字言不用於楚故賦此也崩查見贈高四篇屈原漁父篇漁父莞爾而笑鼓枻而去乃歌曰滄浪之水清兮云云我足遂去不復與言註水清喻世昭明水濁喻世昏闇也

武陵漢郡名王莽改建平郡光武復之梁改沅州隋改朗州唐初因之后復為武陵宋改朗州后陞常德府元為路今為常德府屬湖廣道溪在城西三十里源出武山入沅水山半有槃瓠石一名德勝泉滄浪水在今湖廣襄陽府均州北四十里

芳晨臨上月幽賞狎中園有蝶堪成夢無羊可觸藩忘懷南澗藻蠲思北堂萱坐歎華滋歇思君誰為言

莊子齊物論篇昔者莊周夢為蝴蝶栩栩然蝴蝶也
自喻適志與不知周也俄然覺則蘧蘧然周也不知
周之夢為蝴蝶與蝴蝶之夢為周與周與蝴蝶則有
分矣此之謂物化易大壯九三小人用壯君子用
貞厲羝羊觸藩羸其角程傳羊壯於首羝為喜觸故
取為象羊喜觸藩藩離以藩離當其前也蓋所當必觸
喜用壯如此必羸困其角矣猶人所尚剛壯所當必
至推困也董子士不遇賦努力觸藩徒摧角矣漢楊
脩七歲而孤母長孫親授經十三通大義善屬文所
賦輒就吳人號神童里人多造門觀詩賦至壓敗其
藩脩嘲之曰女非羸角者奚用觸吾藩詩國風采蘋
篇予以采蘋南澗之濱予以采藻于彼行潦陸機招
隱詩幽人在浚谷朝采南澗藻夕息西山足詩國風
伯兮篇焉得萱草言樹之背註萱草合歡食之令人
忘憂者背北堂也嵇叔夜養生論合歡蠲忿萱草
忘憂梁簡文陽美人詩燠燠含好氣庭樹吐華滋

林泉恣深歷風景暫徘徊客有遷鶯處人無結駟來聚
花如薄雪沸水若輕雷今日徒招隱終當異鑿坏

詩鳥鳴嚶嚶出自幽谷遷于喬木又唐人謂進士為
遷鶯故宋人有喜遷鶯之詞然此酬隱士即指求友
言之也列子力命篇居則連攬行則結駟魯君問顏
闔賢使聘以為相園鑿后垣而亡楊雄解嘲士或鑿
坏以遁又管寧見公孫度語惟經典
不及世事乃因土為廬鑿坏為室

俗遠風塵隔春還初服遲林疑中散地人似上皇時芳
杜湘君曲幽蘭楚客詞山中有春草長似寄相思

嵇康隱于竹林後為中散大夫陶淵明夏月高卧北
窗之下清風徐至自謂羲皇上人屈原作湘君曲為

男主事陰神之詞以寓忠愛于君之意中有曰采芳
洲兮杜若將以遺兮下女註芳洲香草所生之處杜
若葉似蘆而有文理味辛下女神之侍女也遺之欲
以通意于神也離騷篇結幽蘭而延佇言以芳香自
潔獨立而無所趨向也謝惠連雪賦幽蘭儂
曲本宋王幽蘭白雪之曲詳見後味雪篇

秋日送陳文林陸道士

有序

陸道士將遊西輔通莊指浮氣之開陳文林言返東吳
脩途走落星之浦於是維舟錦水藉蘭若以開筵綈騎
金隄泛榴花於祖道

地理志秦京師為內史言在內以別諸郡漢景分置
左右內史武帝以內史為京兆尹左內史更名左馮

翊右內史更名右扶風是為三輔西輔左馮翊也即
今陝西以東郡縣通莊大道也五達謂之康六達謂
之莊函谷關令尹喜登樓望東極有紫氣西邁曰應
有聖人過京邑果見老子乘青牛過關東吳令蘇州
也脩途長道也落星見螢火賦大水小口別通曰浦
詩汎汎楊舟緇纒維之何遜別胡興安詩居人行轉
賊宕子暫維舟錦水在成都以其濯錦鮮明亦名錦
江楚詞蕙艸蒸兮蘭藉註蘭草以之為艸蒸之藉也
顧延年詩芬馥歇蘭若清越奪林珪詩藉蘭素多意
又江淹嘯賦藉藉皋蘭之綺靡註皆云藉地坐也然唐
書武宗毀招提蘭若四十萬區註蘭若空寂處也按
此則當餞別僧寺中用之左太冲蜀都賦西喻金堤
東越玉津別期晦匪日匪旬註金堤在岷山都安
縣南海有頓遜國在海崎上有酒樹如安石榴採其
花汁傳甕中過數日成酒黃帝子累祖好遊客死後
人遠行祭之詩韓侯出祖左傳祖而舍餞飲酒于其

側曰錢重姑
有事於道也

于是赤燂紀節青女司辰霜鴈含蘆舉賓行而候氣寒

蟬噪柳帶涼序以含情

周禮小宗伯兆五帝于四郊鄭玄註蒼曰靈威仰赤
曰赤燂怒黃曰含樞紐白曰白招拒黑曰汁光紀此
五行之精氣也據此當是四時之序然下文所云乃
是秋時而此云赤燂紀節未詳淮南子至秋三月青
女乃出降以雪霜魏瓘搗衣賦白綸巾兮青女月鴈
北來體瘦能高飛及歸體肥銜蘆以避繒繳之害賓
行鴈之行列似賓次也候氣候寒氣也謝靈運燕歌
行寒蟬噪柳燕辭檻江淹詩藉蘭素多意臨風默含
情沈約麗書殷勤寄
玉指含情舉復垂

加以山接太行聳羊腸而飛蓋河通少海疏馬頰以合
瀾登高切送歸之情臨流感逝川之嘆

太行山在河內山陽縣西北上黨南正義曰在懷州
河內北二十五里羊腸山在太原西北九十里正義
曰羊腸坂在太行山南口屬懷州北口屬潞州括地
志云羊腸在懷州河內縣北二十五里即太行相連
屬也劉楨魯都賦蓋如飛鶴馬如遊魚子建公譙詩
清夜遊西園飛蓋相追隨梁簡文傷離新體詩落日
斜飛蓋餘暉承畫輪山海經無鼻之山南望幼海註
幼海小海也馬頰九河之一臨流二句見送之問篇
南史蕭子顯自序云若乃登高目極臨水送歸風動
春朝月明秋夜早鴈初鶯開花落葉有來斯應每不
能已荀雍臨川亭詩目極依春路披褐懷良辰明發
戒徒御臨流餞歸人謝瞻詩離會雖相離近川豈往

復梁簡文示晉陵弟詩零雨岐路悲送
歸臨水節時事難為舛離憂等閑別

既而嗟別路之難駐惜離樽

尊義見下篇

之易傾雖漆園荅

蹄已忘言於道術而陟陽風雨貴抒情於詠歌各賦五
言同為四韻庶幾別後有暢離憂云耳

莊周蒙人嘗為蒙漆園吏與梁惠齊宣同時其學無
所不窺要本於老子著書十餘萬言大率皆寓言也
終身不仕荅蹄道術見高四篇孫楚為征西將軍官
屬於陟陽侯祖道詩曰晨風飄岐路零雨披秋草傾
城遠追送餞我千里道左傳難必抒矣楚辭抒中情
而屬詩兩都賦或以抒下情而通諷諭劉向別錄鄒
子曰抒意通旨註抒舒也蕭咨議別范雲詩心事俱
已矣江上徒離憂本楚詞思公子兮徒離憂又離憂

字見上章註漆園今鳳陽定遠縣東三十里
相傳莊子為吏處又山東曹縣有漆園城

青牛遊華岳赤馬走吳宮玉桂離鴻怨金罍浮蟻空日
霽峻陵雨塵起陟陽風唯當玄度月千里與君同

青牛見上文浮氣註又漢武內傳封君達隴西人服
黃連五十餘年入鳥舉山服水銀百餘年還鄉里如
二十歲者常乘青牛故號青牛道士孫權時名舸為
赤馬因其色言如馬之走陸也楚詞東皇太乙篇奠
桂酒兮椒漿註桂酒切桂投酒中也或曰當作玉桂
離鴻琴調也詩國風卷耳篇我姑酌彼金罍註罍酒
器刻為雲雷之象以黃金飾之張協七命浮蟻星沸
飛華萍接玄石富其味儀氏進其法顏延年詩嘉魴
聊可薦綠蟻方獨持註釋名曰酒有泛齊浮蟻在上
洗洗然張平子南都賦酒則九醞甘醴十旬兼清膠

數徑寸浮蟻若萍散陵雨見北眺春陵篇陟陽風見
上文晉劉俊尹丹陽與許綯相善每對明月歎曰先
風霽月令人思玄度指綯字也謝莊月賦美人邁兮
音信濶隔千里兮共明月鮑明遠玩月詩三五二八
時千里
與君同

秋日送尹大赴京師

有序

尹大官三冬懸暢指蘭臺而拾青薛六郎四海情深飛
桂樽而舉白

三冬見高四篇漢官儀御史臺率執憲中司朝會獨
坐內掌蘭臺督諸州刺史前漢百官表在殿中蘭臺
掌圖書秘書拾青見高四篇拾紫註魏文侯與大夫
飲使公乘不仁為觴政曰飲若不盡浮之大白文侯

不盡不仁舉白浮君白爵名也爵飲以衡尊只
一尊字從木從缶以所作者為字也尊始于堯

于時兔苑東上龍火西流劍彩沈波碎楚蓮于秋水金

暉照岸秀陶菊於寒隄既切送歸之情彌軫窮途之感

兔苑月也龍星角亢也建戌之月日在房角亢晨見
於東方晚則西下火心星也次角亢之後西流見螢
火賦江淹別賦日下壁而沈彩月上軒而飛先霜降
連敗如碎之然楚蓮因楚詞用之金暉秋日色也陶
菊亦以陶潛愛菊用之耳送歸見前篇窮途本伍子
胥謂中已胥曰日暮途窮吾固倒行而逆施之晉阮
籍常率意獨駕不由徑
中車轍所窮恸哭而返

重以清江帶地問吳會於星津白雲在天望長安於日

路人之情也寧不悲乎

漢上黨太守田挹與馮衍書日月之經天河海之帶
地陸機長歌行逝矣經天日悲哉帶地川王彪之水
賦水帶地而壤潤月流天而宵炯吳會見白雲抱幽
石篇問津用論語字星津即落星灣也宋謝眺字玄
暉少好學文章清麗為齊隋王子隆鎮西功曹轉文
學子隆好詞賦眺尤被賞不捨日夕長史王秀之以
眺長少相動欲啟閭眺牋辭子隆云云輕舟反沂弔
影獨留白雲在天龍門不見又梁簡文與蕭臨川書
白雲在天蒼波無極又白雲長安日俱見高四篇劉
裕既克長安更欲西伐集寮屬議多不同因問郭澄
之澄之不荅西向誦王粲詩曰南登灞陵岸回首望
長安裕曰當與卿登灞陵岸耳遂還又宋武帝北伐
謝晦以士馬疲怠諫于是登城北望慨然不悅乃命
羣僚誦詩晦咏王粲詩曰南登云云安悟彼泉下人

謂然傷心肝帝流涕不自勝中山王文木賦麗木
離披生彼高崖拂天河而布葉橫日路而擢枝

雖道術相忘叶神交於靈府而風煙懸隔貴申心於翰
林請振詞鋒用開筆海人為四韻用慰九秋

道術見高四篇莊子德充符篇不足滑和不可入于
靈府註靈府精神之宅也猶言靈臺耳楊雄長楊賦
因筆墨之成文章故藉翰林以為主人子
墨客卿以為諷至唐玄宗始置翰林院

挂瓢余隱舜負鼎爾干湯竹葉離樽滿桃花別路長低
河耿秋色落月抱寒光素書如可嗣幽谷吟賓行

許由隱于箕山以手掬水飲之或與一瓢飲訖挂樹
上風吹歷歷有聲惡而棄之張協七命乃有荆南鳥

程豫北竹葉註酒名也桃花見思立上人詩註秋天
氣清雲漢若低古人憶友多以月為言杜詩落月滿
屋梁是也古樂府客從東方來饋我雙鯉魚呼童烹
鯉魚中有尺素書長跪讀素書書中意何如上有加
飡飯下有長相憶幽谷指
所居賓行鴈也見上篇

秋夜送閻五還潤州詩

有序

天寶初改丹陽郡乾元初改潤州又升丹陽軍
建中初改鎮海軍南唐以為壘鎮宋潤寶末改
鎮江軍政和初升府元改路屬江浙
行省本朝初為江淮府後改鎮江府

閻五官言返維桑脩途指金陵之地李六郎交深投漆
開筵浮白玉之樽于時壁彩澄虛漏輕光於雲葉珪陰

散迥揺碎影於風梧

詩維桑與梓必恭敬止註桑梓父母所植後人因言桑梓為舊里也金陵古秣陵地春秋楚威王以北地有天子氣埋金以厭之曰金陵裴絃言于孫權曰秣陵楚武王所置秦始皇以其地有天子氣故掘斷連岡有別小江可以貯船宜為都邑武帝後揚州刺史治此金陵事見宿山庄註投漆見靈泉頌壁彩見前篇劍彩沈波註雲葉見白雲抱幽石挂陰亦借以形容秋色耳

雖桂醕蘭缸暫綬留於一夕而青山黃鶴將惆悵於九秋請勒四言俱申五際

桂字見送陳文林篇玉桂註又惠州博羅有桂可以釀酒宋蘇軾挂酒頌云有隱者教吾以桂釀成之陶

淵明詩春醕生浮蟻缸酒盞也蘭亦如桂之義蘇武
詩黃鵠經遠別千里顧徘徊庾信別袁昌州詩河陽
望隴頭分手路悠悠徂年若驚電別日歎成秋黃鵠
飛飛遠青山去去愁不言雲雨散更似東西流鮑明
遠白頭吟黃鵠一舉千里詩緯含神霧曰集微揆著
上統元皇下序四始羅列五際推度災曰建四始五
際而八節通汎歷樞曰辛亥之際為革命卯酉之際
為改正辰在天門出入候聽卯天保也為陽盛陰衰
酉析父也為陰盛陽微干采芑也為陽盛陰生大明
在亥水始也四柱在寅木始也嘉魚在巳火始也鴻
鴈在中金始也翼奉學齊詩問五際四始之要即頗
曰四始之缺五際之危五際本於齊詩四始與毛詩
異蓋習聞其
說而失之也

通莊抵舊里溝水急新知斷雲飄易滯連露積難披僚

風啼迴堞驚月遠疎枝無力勵短翰輕舉送長離

通莊見送陳文林篇卓文君白頭吟今日斗酒閭明
日溝水頭踈踈御溝上溝水東西流梁元帝纂要秋
風曰商風素風涼風激風悲風高風陸士衡連珠詩
寸管下僚一作僚註僚向也向風驚月鳥鵲之類也
司馬相如大人賦前長離後商皇平子思立賦前長
離使拂羽兮後委水衡乎玄冥潘岳為賈謐贈陸機
宛宛長離凌江而離長離云誰咨爾陸生註長離鳳
也蓋短翰借翰羽以言翰墨長離借鳳以言離別如
陳徐陵別毛永嘉詩嗟予今老病此別恐長
離即為離別之久此一字二意可以互發也

初秋登司馬樓宴詩有序

司馬周禮夏官也漢武帝始特置大司馬以
冠將軍之號龍衛青霍去病今為兵部尚書

司馬公千里騰光翼外臺而展足九日多暇敞麗譙以
開筵

行臺曰外臺展足見高四篇展駸註陳思王傳初喪
應劉端憂多暇綠苔生閣芳塵凝榭謂端姓憂愁于
多暇之際也莊子徐無鬼篇君亦必無盛鶴列于麗
譙之間註麗譙樓名謂華麗而熈曉也又譙門亦謂
門上為高樓以望也樓一名譙又或改譙為樵魏武
亦有麗譙樓晉王粲字仲宣登樓賦曰登茲樓以四
望兮聊暇日以消憂覽斯宇
之所處兮實顯敞而寡仇

于時葭散秋灰檀移夏火鴻飛漸陸流斷吹以來寒鶴
鳴在陰上中天而警露

陸氣之法理律管于地中實以葭灰覆以緹素至每
月氣至則其律管灰飛鑽燧夏取棗杏之火秋取槐
檀之火易漸九三鴻漸于陸斷吹風聲也雁來則寒
至易中孚九二鳴鶴在陰詩鶴鳴于九皋聲聞于天
鶴露下則鳴
故云警露

於是穀聞玉饌交雜佩而薰蘭酒泛金翹映清罇而湛
菊

書惟辟玉食梁王筠侍宴詩玉饌駢羅瓊漿泛濫詩
知子之來之雜佩以贈之註雜佩左右佩玉也言我
苟知子之所好者而來即當解此雜佩以贈之薰蘭
即所謂其是如蘭也宋蘇軾秋夜長賦金菊吐翹以
凌霜菊亦可以釀酒湛菊猶湛桂也湛漬也
內則湛諸美酒文字與沈同投物水中也

雖傍臨廣派有異章臺之道而俯瞰崇墉雅叶城隅之
會物色相召江山助人請振翰林用濡筆海云爾

廣派大河也漢書張敞無威儀時罷朝會過走馬章
臺街使御駟吏自以便面拊馬詩國風靜女篇靜女
其姝俟我于城隅呂氏讀詩記古之人君媵妻散處
后宮幽閑之地城隅是也女有靜德又處幽閑以待
進御此有道之君所好也毛氏傳云此用賢不得也
朱傳直以為淫奔之詩駱子蓋借引以為賢人之聚
也崇墉用其崇如墉意曹植贈丁儀詩嘉賓填城闕
豐饌出中廚吾與二三子曲宴此城隅漢光武求嚴
子陵遺物色訪之

翰林見送尹大篇

章臺在西安府
舊長安城內

展驥端居暇登龍嘉宴同締賞三清滿承歡六義通野
晦寒陰積潭虛夕照空顧慙非夢鳥濫此厠雕蟲

展驥見高四篇端居暇見上文漢桓帝延熹末朝廷
日亂紀綱頽弛李膺為司隸校尉獨持風裁以聲名
自高士有被其容接者名為登龍門云晉人謂劉惔
氣清杜乂膚清衡玠神清謂之三清詩六義一曰風二
曰賦三曰比四曰興五曰雅六曰頌晉羅含字君章
桂陽耒陽人幼孤為叔母朱氏所養少有志尚嘗畫
因夢一鳥文彩異常飛入口中因驚起朱氏曰鳥有
文彩汝后必有文章自后藻思日新任終中散大夫
楊雄吾子篇或問吾子少而好賦曰然童子雕蟲刻
篆俄而曰壯夫不為也註蟲蟲書也謂雕刻文字也

初秋於竇六郎宅宴詩有序

六郎道舍采葵嘯懸鷄而契賞諸君情諧伐木仰登龍
以締歡于時一葉驚寒下陳柯而捲翠百花凝照淡虛
牖以披紅

子夏家貧衣若懸鷄人曰子何不仕曰諸侯之驕我
者吾不為臣大夫之驕我者吾不復見詩小雅伐木
篇伐木丁丁鳥鳴嚶嚶出自幽谷遺于喬木嚶其鳴
矣求其友聲矧伊人矣不求友生註言鳥之求友喻
人之不可無友也登龍
見上篇一葉見螢火篇

既而俱欣得兔之情共揜亡羊之淚物我雙致匪石席
以言蘭心口兩齊混汙隆而酌桂

得免亡羊俱見高四篇詩邶風柏舟篇我心匪石不可轉也我心匪席不可卷也言蘭見靈泉頌禮記檀弓篇子思曰昔者吾先君子無所失道道隆則從而隆道汙則從而汙酌桂見前篇

雖忘荃戴笠與交態於靈臺而擗管操觚叶神心於聲氣盡陳六義試賦一言即事凝毫成者先唱云耳

段公路開戶錄五代時二人為朋黨壇以丹犬白雉獻血盟曰甲與乙為友上下四旁莫不並見卿若乘車我戴笠後日相逢下車揖我若步行君乘馬後日相逢君當下忘荃靈臺見高四篇擗諾韻按也班固幽通賦擗朽摩鈍周弘讓答王褒書擗管操觚聲淚俱咽尚四句見二卷代女道士篇類鱗註

千里風雲契一朝心賞同意盡深交合神靈俗累空草

帶銷寒翠花枝發夜紅唯將淡若水長挹古人風

晉呂安服猪康高致每相思輒千里命駕風雲見高
四篇心賞見靈泉頌不其城東有鄭玄教授山山下
生草如薤葉長尺餘堅紉異常土人名為鄭玄書帶
庾信三月三日賦草衙長帶桐垂細乳禮記小人之
交甘如醴君子之交淡如水君子淡以成小人甘以
壞漢太原郭泰遊汝南過袁閭不宿而退從黃憲累
日乃還或問之泰曰奉高之器譬如汎濫雖清而易
挹叔度汪汪若千頃波澄之不清清之不濁不可量
也

送鄭少府入遼

遼古郡名戰國屬燕秦屬營州漢武拓朝鮮地
并割遼屬邑置樂浪玄菟真蕃臨屯四郡漢末

為公孫度所據魏置東夷校尉居襄平而分遼東昌黎改遼東郡為國仍隸平州後為慕容廆所據隋初為高句驪所據唐征高麗復其地置蓋遼二州又置都督府九以安東都護總統之尋為渤海大氏所據五代時地入契丹阿保機名東平郡尋陞南京又改東京金初因之後置遼陽府為東京路本朝初置定遼都衛后改遼東都司隸山東唐有遼州治樂平縣尋改冀州中和間復為遼州天寶初為樂平郡乾元初復為儀州五代梁復改遼州宋熙寧中州廢入平定軍元豐中復置遼州治遼山縣金仍舊元屬平陽路本朝以遼山縣併入為平陽府隸山西道不知鄭少府所入者何遼也然詩中云桑榆間塞之地燕丹之事恐即今遼東

邊烽警榆塞俠客度桑乾柳葉開銀鑄桃花照玉鞍滿

月臨弓影連星入劍端不學燕丹客空歌易水寒

邊烽榆塞見蕩子篇列子說符篇虞氏者梁之富人
也家充殷盛錢帛無量財貨無訾登高樓臨大路設
樂陳酒擊博樓上俠客相隨而行飛鳶適隊其腐鼠
而中之俠客相與言曰虞氏富樂嘗有輕人之志不
犯之乃辱我以腐鼠期夜積兵攻虞氏滅之註俠以
權力相俠輔也桑乾河名在遼界連星即連牛斗也
見螢火賦埋豐註燕
丹易水見之問篇

送費六還蜀

蜀國名本春秋時蜀侯所理為秦惠所滅
置蜀郡漢分置廣漢郡武帝置益州蜀郡
隸焉王莽改益州曰庸都蜀郡曰渠江東
漢復舊名蜀漢都此置益州牧郡置太守

晉武改蜀郡為成都國取三年成都之義
尋復為郡宋齊蜀郡皆隸益州隋初罷州
為郡唐改益州後置大都會府及劍南節
度天寶初改蜀郡至德初改成都府又升
南京尋罷後置劍南西川節度五代王氏
孟氏相繼宋為益州路端拱初改成都府
元為路今為府
置四川省治

星樓望蜀道月被指吳門萬行流別淚九折切驚魂雪
影含花落雲陰帶葉薰還當三徑晚獨對一清樽

星樓見螢火篇月被恐當作月峽巴東三峽石壁四
十丈有孔如月為月峽蘇州府城南四里有吳門橋
亦名新橋石刻吳門二字蜀印峽有九折坂險峻難
行王陽刺益州過之歎曰奉先人遺體奈何數乘此

險遂棄官歸後王尊刺益州至其所曰此非王陽所畏道耶曰然叱其馭曰過之王陽為孝子王尊為忠臣埤雅雪六出而成花電三出而成實雲業已見白雲抱幽石詩漢蔣相字元卿刺兗州王隨為相奏事稱病不進歸杜陵荆棘塞門舍遠三徑終身不出時人諺曰當時鮑龔不如杜陵蔣翁陶潛歸去來詞三逕就荒松菊猶存携幼入室有酒盈尊引壺觴以獨酌眄庭柯以怡顏

我留安豹隱君去學鵬搏岐路分襟易風雲促膝難夕漲流波急秋山落日寒唯有思歸引淒斷為君彈

豹隱見高四鵬搏見螢火岐路見紫雲觀篇衛有賢女邵王聞其賢請聘之未至王薨太子將納之大夫諫曰衛女賢必不我聽聽我即不賢亦不足取太子不聽遂拘留深宮援琴作思歸之引自縊而死琴有

九引一曰烈女引楚樊妃所作二曰伯妃引魯伯妃所作三曰貞女引魯次姜作四曰思歸引即衛女作五曰霹靂引楚商梁遊九皋遇風雷畏懼而歸作之六曰走馬引擣里牧恭為父報仇藏于山林所作七曰瑩篴引擣里子高所作八曰秦引秦屠門高所作九曰楚引楚龍邱子高作

送王明府上京叅選

振衣遊紫府飛蓋背青田
虛心恆警露孤影尚凌烟
離歌悽妙曲別引繞繁絃
在陰如可和清響會聞天

六帖銀宮金闕紫府清都又長洲記有風山恒震聲有紫府宮天貞仙女遊于此地此詩以皇都言之飛蓋已見陳文林篇劉孝標絕交論鷄人始唱鶴蓋成陰永嘉青田有雙白鶴年年生子而去衡山有五峯

一曰紫蓋每見有雙白鶴回翔其上亦遊紫府之意也
警露見司馬樓篇唐有凌烟閣言其高也古曲有
別鶴操故言離歌別引江淹恨賦或藻思綺合清麗
芊眠炳若緡繡淒若繁弦在陰二句俱見司馬樓篇

秋日送別

寂寥心事晚搖落歲時秋
共此傷年髮相看惜去留
當歌應破涕哀命返窮愁
別後能相憶東陵有故侯

寂寥搖落俱見送之間篇劉琨答盧湛書自輞張因
于逆亂國破家亡親友凋殘塊然獨坐則哀憤兩集
負杖行吟則百憂俱至時復相與舉觴對膝破涕為
笑排終身之積慘求數刻之暫歡譬疾疢彌年而欲
以一九銷之其可得乎史記虞卿以魏齊故棄相印
間行去趙困于齊梁已死不得意乃著書上採春秋

下觀近世曰節義稱號揣摩謀政凡八篇曰虞氏春秋太史公曰虞卿非窮愁亦不能著書以自見于後世又魏武短歌行對酒當歌人生幾何漢息夫躬有哀時命篇庾信就蒲州刺史乞酒詩云蒲城桑落酒霸岸菊花秋顛持河朔飲分勸東陵侯註魏文典論劉松素結膏以三伏之際晝夜酣飲以避一時之暑故河朔相傳為避暑飲東陵侯見高四篇

別李嶠得勝字

嶠字巨山趙州贊皇人早孤事母孝兒時夢人遺雙筆自是有文詞十五通五經二十擢進士第始調安定尉舉制策甲科遷長安尉文章與駱賓王劉光業等夷授御史監邕岩二州軍喻降叛獠遣給事中來俊臣構狄仁傑等獄為申其冤忤武后旨出為潤州司馬久乃召為鳳閣

舍人書王符一篇頌武后知吏部為祭酒加引
文館學士趙國公以特進同中書門下三品中
宗崩密請相王諸子不宜留京師及玄宗立或
請誅之張說救之獲免貶滁廬二州別駕卒年

十七

芳樽徒自滿別恨轉難勝客似遊江岸人疑上霸陵
寒更承夜永涼景向秋澄離心何以贈自有玉壺冰

梁吳筠送別詩客子慘無歡送別江之干遊江岸見
送之問篇江潭註李廣出鴈門擊匈奴為虜生得殺
胡騎脫歸當斬贖為庶人與故賴陰侯孫屏南山殺
獵夜從一騎出從人田間飲還至霸陵亭亭尉醉呵
止廣廣騎曰故李將軍尉曰今將軍尚不得夜行何
故也止廣宿亭下居無何匈奴入遼西殺太守敗韓

將軍上召廣守右北平廣即請霸陵尉與俱至軍斬之古樂府馮子都詩就我求清酒青絲繁玉壺晉武帝鮮卑貢白玉壺容酒斗餘其中酒溫寒隨意鮑明遠詩清如玉壺冰霸陵即霸上文帝葬此離城十里

在兗州餞宋五

兗州見遊
兗部序

淮汜泗水地梁甫汶陽東別路青驪遠離樽綠蟻空柳寒凋密翠棠晚落疎紅別後相思曲淒斷入琴風

尼古夷字一作尼又作尼淮水見孔君篇泗水源出兗州泗水縣東陪尾山源有四道同名焉南流過沛縣至徐州東北合汴水循城東南以達于淮史記秦始皇封泰山立石下禪梁父壻曰梁父泰山下小山

名也因以名縣屬太山郡正義曰梁父在兗州泗水縣北八十里一作蒲汶水出太山郡萊蕪縣原山西南入齊陽水北也山南亦曰陽詩魯頌駉篇有驪有駉註青驪麟曰驪色有淺深斑駉如魚麟今之連錢驄也梁吳筠別夏侯故章詩白馬黃金羈青驪紫絲控新知關山別故人河梁送本宋玉招魂篇青驪結駟兮齊千乘又阮籍咏懷湛湛長江水上有楓樹林皋蘭披逕路青驪逝駉駉遠望令人悲春氣感我心三楚多秀士朝雲進荒淫綠蟻見陳文林篇酒有名鄴綠者鄴湖在衛州府東二十里週迴三里取湖水釀酒極甘美晉武薦鄴酒于太廟吳都賦飛輕觴而酌鄴綠是也柳中記湖水深八尺湛然綠色故云鄴綠宋州興寧縣東有醴醅泉則字從酉矣

遊靈公觀

靈峯標勝境神府枕通川玉殿斜臨漢金堂迥架煙斷
風踈晚竹流水切寒弦別有青門外空懷玄圃仙

流水見高四篇青門見高四篇東陵瓜註楚詞朝發
軻於蒼梧兮夕余至乎縣圃註崑崙山去咸陽四十
六萬里山高平地方三萬六千里上有三角方廣萬
里形如偃盆下狹上廣其一角正北千辰之輝名閭
風顛其一角正西名玄圃其一角正東名崑崙宮其
一角有積金為金墉城面方千里上安金臺五所玉
樓十二所玄與縣同詩中所言玉殿金堂皆用
崑崙事也張平子東京賦左瞰陽谷右睨玄圃

夏日遊山家同夏少府

近照下層岑物外狎招尋蘭徑薰幽佩槐庭落暗金谷

靜風聲徹山空月色深一遣樊籠累唯餘松桂心

近照字本金剛經日將落近照於東也蘭佩見之間篇槐金夏葉黃如金也陶淵明歸田居詩久在樊籠

裏復得

反自然

夏日遊目聊作

暫屏塵囂累言尋物外情致逸心逾默神幽體自輕
浦夏荷香滿田秋麥氣清詎假滄浪上將濯楚臣纓

左傳齊景公欲更晏子之宅曰子之宅近市囂塵湫
溢不可以居請更諸爽塏者註囂人聲也塵擾亂也
滄浪用屈原事故曰楚臣見酬思立
上人篇塵土也囂聲也鵬文二韻

同崔駙馬曉初登樓思京

麗譙通四望繁憂起萬端綺疎低晚魄鏤檻肅初寒白
雲鄉思遠黃圖歸路難唯餘西向笑暫似當長安

麗譙見登司馬樓篇王粲登樓賦登茲樓以四望兮
聊暇日以消憂覽斯宇之所處兮實顯敞而寡仇凭
欄檻以遙望兮向北風而開襟悲舊鄉之壅隔兮涕
橫隊而弗禁四望詳見高四篇王文考靈光賦爾乃
懸棟結阿天窓弦疎註疎刻穿也刻為綺文謂之綺
疎又作綺疏晚魄月也月之暗者曰魄書所謂哉生
魄註哉始也始生魄十六日也西京賦鏤檻文挽註
檻欄干攢連簷也鏤刻也白雲見高四篇黃面書名
具載山川地里面西向笑見逆
尹大官望日路註郭澄之事

春夜常明府宅宴

酌桂陶芳夜披薜嘯幽人雅琴馴魯雉清歌落范塵宿
雲低迥蓋殘月上虛輪幸此承恩洽聊當故鄉人

酌桂見竇大郎篇披薜見高四篇諸葛亮隱於隆中
長嘯行吟晉阮籍亦長嘯既而聞孫登善嘯詣蘇門
見之登不為動藉長嘯數聲而去至半嶺忽聞聲振
林木若鸞鳳之音乃登之嘯也易履九二履道坦坦
幽人貞吉朱子本義剛中在下無應于上故為履道
平坦幽獨守貞之象幽人履道而遇其占則為貞而
吉矣子賤治單父鳴琴不下堂而單父治河南尹表
安使掾肥親廉中年令魯恭治狀見馴雉一童子
在旁親曰何不捕之童子曰是雉方乳不宜捕之親謂
恭曰所以來者欲察君政令蝗不犯境一異也化及

鳥獸二異也童子有仁心三異也魏文詩急絃動飛
聽清歌拂梁塵陳琳詩哀哇動梁埃急鵬盪幽默陸
機七畧詩一唱萬夫嘆再唱梁塵飛註晉人虞公善
雅歌發聲盡動梁上塵范丹字子雲為萊蕪令釜甑
生塵雲蓋見白
雲抱幽石篇

冬日宴

二三物外友一百杖頭錢賞洽袁公地情披樂令天促
膝鸞觴滿當壚獸炭然何須攀桂樹逢此自留連

阮脩字子常步行以百錢拄杖頭至酒店便獨酌酣
暢雖當世富貴不肯顧家無擔石之儲晏如也袁粲
尹丹陽嘗步履白楊郊野間道遇一士夫便呼與酣
飲明日此人謂被知故到門求進粲曰昨飲酒無聊

偶相要耳竟不與相見樂廣有風姿衛瓘曰此人如
水鏡見之瑩然若披雲霧而覩青天觴酒卮之總名
實曰觴虛曰解鷺觴刻為鷺鳳之形也晉羊琇字稚
舒景獻皇后從弟性豪侈洛下少林木炭貴如粟琇
擣小炭如屑以物和之作獸形後何邵之徒共集乃
以溫酒火炙猛獸皆開口向人赫赫然諸豪共效之
淮南子招隱詩攀
桂樹兮聊淹留

餽雞子

古之豪家食稱畫卵唐人於寒食節取雞子染
藍茜雜色仍加雕鏤遞相餉遺或置盤俎間原
始記夏后氏始食卵

幸遇清明節欣逢舊練人刻花爭臉態寫月競眉新暈

罷空餘月詩成併道春誰知懷玉者含嚮未吟晨

東坡梅詩鮫綃剪碎玉簪輕檀暈粧成雪月明肯伴
老人春一醉懸知欲落更多情王梅溪不解宇文粧
臺記婦女畫眉有倒暈粧古樂府有暈眉攏髻之句
元微之與白樂天詩近昵婦人暈澹眉目綰約頭髻
畫譜有正暈倒暈牡丹太平廣記許老翁傳有銀泥
裙五暈羅張萱所畫婦人暈眉所謂紫紗冪酷似可
見暈為眉飾但上句方言寫月下句似不當復言餘
月必有悞也老子知難篇知我者希則我者貴是以
聖人披褐懷玉家語子路問孔子曰有人于此披褐
而懷玉孔子曰國無道可也國有道則充冕而執玉
也既藉咏懷昔年十四五志尚好
詩畫披褐懷珠玉顏閔相與期

詠雲酒

雲中
酒也

朔空曾紀歷帶地舊疏泉色泛臨碭瑞香流赴蜀仙欸

交欣散玉怡友悅沈錢無復中山賞空吟吳會篇

黃帝都薊受命適有雲瑞以雲紀官帶地見尹大篇
漢武通西域以渾邪王故地置酒泉郡即今肅州城
下有泉味甘如酒又梁簡文曲水詩序爾乃分階樹
羽疏泉泛爵碭山縣東南十里有碭山漢高微時嘗
隱避其上呂后每求得之曰季居上嘗有雲氣漢鄭
弘為靈文鄉畬夫行官京洛未至宿一棗逢故人四
顧荒郊村落絕遠酣酒無處情抱不伸乃以錢投水
中依口而飲飲盡酣暢皆得大醉因名為沈醺川明
旦乃分手而去劉玄石曾于山中酒家沽酒酒家與
十日酒飲之至家大醉其家以為死葬之後酒家計

日往開其墓玄石始醒吳會篇見白雲抱幽石篇
沈釀川在今紹興府若耶溪東一名沈釀埭

中山古狄都也春秋屬晉戰國屬魏漢為中山郡後
改中山國曹魏改定州慕容垂都此隋改博陵唐改
義武節度宋為中山府元
因之今為定州屬真定府

詠美人在天津橋

天津橋在今河南府城外西南祭洛水隋煬帝
建用大船連以鉄鎖南北夾起四樓唐貞觀中
始甃石為岸即宋
邵子聞杜鵑處

美女出東隣容與上天津動衣香滿路移步襪生塵水
下看粧影眉頭畫月新寄言曹子建箇是洛川神

宋玉登徒子好色賦臣東家之子增之一分則太長
減之一分則太短着粉太白施朱太赤此女登牆三
年窺臣臣至今未許莊子人間世篇因樂人之所感
以求容與其心漢武悼李夫人賦的容與以倚靡兮
縹飄姚乎愈莊一云從容也一云盛美也曹子建洛
川神賦凌波微步羅襪生塵子建名植曹操四子有
文才作洛川神賦曰余從京師言歸東藩北過伊闕
越鰥鰥經通谷凌景山容與乎陽林流盼乎洛川觀
一麗人於岩之畔乃援御者而告之曰彼何人斯若
茲之麗也御者對曰臣聞河洛之神名曰宓妃君王
之所見毋乃余告曰云云如淳曰宓妃伏羲女
溺死遂為洛川之神子建與其兄魏主丕有隙及即
位子建懼不相容故托宓妃為言如離騷亦以美人
目其君也大抵人臣不得于君類以美人托諷騷子
疑為武
氏發也

憲臺出繫寒夜有懷

獨坐懷明發長謠苦未安自應迷北叟誰肯問南冠
死交情異殷憂歲序闌空餘朝夕鳥相伴夜啼寒

詩小宛篇明發不寐有懷二人又園有桃篇心之憂
矣我歌且謠北叟有馬亡入胡人弔之叟曰安知非
福乎后馬引駿馬歸人賀之叟曰安知非禍乎其子
騎墜折髀人又弔之叟曰安知非福乎一年胡人大
入丁壯戰死子以跛故父子相保南冠見咏蟬篇生
死交情見高四篇漢朱博為御史大夫府中列栢樹
有野鳥數千棲其上朝去暮集名朝夕鳥鳥臺始此

月夜有懷簡諸同寮

閑庭落景盡踈簾
夜月通山靈響似應水
淨望如空樓
枝猶遶鵲遵渚未來鴻
可歎高樓婦悲思杳難終

樓枝遶鵲見望鄉夕泛篇詩九
嚴篇鴻飛遵渚公歸
無所於爾信處註周公居東成王將迎以歸東人相
謂之詞陸士衡洛陽道詩總轡登長路鳴咽辭密親
借問子何之世網嬰我身永嘆遵北渚遺思結南津
曹植七哀明月照高樓流光正徘徊上有愁思婦悲
嘆有餘哀借問嘆者誰言是宕子妻君行踰十年孤
妾常獨栖謝希逸詠月詩高樓切思婦西園
遊上才王景玄詩思婦臨高臺長想馮華軒

送郭少府探得憂字

開筵杭德水輟棹艤仙舟
貝闕桃花浪龍門竹箭流
當

歌淒別曲對酒泣離憂還望青門外空見白雲浮

詩河廣篇誰謂河廣一葦杭之註杭度也秦始皇更
名河為德水以秦當水德之運也項羽傳亭長艤舟
汨岸也仙舟見贈之問篇李仙註楚詞魚鱗屋兮龍
堂紫貝闕兮朱宮註貝闕以貝為闕也尸子曰西河
下龍門其流駛竹箭離憂見送陳文林篇青門白雲
俱見高四篇又梁吳筠送別詩白雲亭海際明月落
河濱送君長嘆息徒使淚沾巾又白雲方眇眇
黃鳥尚闕闕又無由得共賞山川間白雲

送宋五之問得涼字

之問見前

江南篇

願言遊泗水支離去二漳道術君所篤荃蹄余有忘雪

威侵竹冷秋爽帶池涼欲諗離襟切岐路在他鄉

泗水見兗州饒宋五篇莊子人間世篇支離疏者願
隱於膺肩高於頂會撮指天五管在上兩髀為脅挫
鍼治繃足以紉口鼓篋播精足以食十人上徵武士
則支離攘臂於其間上有大役則支離以有常疾不
受功上與病者粟則受三鍾與十束薪夫支離其形
者猶足以養其身終其天年又况支離其德者乎二
漳一出上黨沾縣大鵬谷名清漳一出上黨長子縣
鹿谷山名濁漳二漳異源而下流相合同歸于海書
禹貢至于衡漳是也道衍荃蹄
見高四篇岐路見紫雲觀篇

冬日過故人任處士書齋

神交尚投漆虛室罷遊蘭網積窓文亂苔深履迹殘雪

明書帳冷水靜墨池寒獨此琴臺上流水為誰彈

投漆虛室流水俱見高四篇遊蘭用如蘭意見靈泉
篇網積見螢火篇孫康家貧映雪讀書張芝臨池學
書池水盡黑謂之墨池在今河南府陝州又鍾繇有
墨池在興國州王羲之有墨池在溫州又有墨池在
台州諸葛孔明有墨池在沅江縣西烏龍寺內成都
府城西南五里有琴臺世俗云司馬相如彈琴之處
然順慶府蓬州西南六十里亦有琴臺宋志蓬州有
相如縣註云以有相如故宅而名則相如又寓此矣
大抵皆隨寓名也
流水見高四篇

詠塵灰

洛川流雅韻秦道擅苛威聽歌梁上動應律管中飛光

飄神女襪影落羽人衣願言心未翳終冀效輕微

洛川雅韻見天津橋篇苛小草也政令繁細曰苛商鞅相秦立法棄灰于道者有刑聽歌見韋明府篇律管見登司馬樓篇神女襪即見洛川註翳滿也塞也楊子法言如庸行翳路衡衡而話君子不貴也

秋晨同淄州毛司馬秋九咏

淄州漢盤陽縣屬濟南郡東漢屬齊國晉省之宋置清河郡及貝邱縣北齊罷郡以縣屬齊州隋置淄州改貝邱為淄州縣後州廢唐初復置淄州宋金元仍舊至本朝初改淄川州以縣省入尋改為縣屬濟南

紫陌炎氛歇青蘋晚吹浮亂竹搖疎影繁池織細流飄

香曳舞袖帶水泛粧樓不分君恩絕紈扇曲中秋

王粲獵賦倚紫陌而並征註道路南北為肝東西為
陌長安城中八街九陌宋玉風賦夫風起于青蘋之
末浸淫黠谷緣太山之阿舞于松柏之下枚乘七發
掩青蘋遊清風陶陽氣蕩春心王融遊仙詩長河既
已縈嶺山亦可礪解者作縈又以為草木之縈非也
縈迴之義帶水見尹大篇帶地註趙飛燕姊妹得幸
成帝于是諧許皇后班婕妤好咀上后廢婕妤好對曰
妾聞死生有命富貴在天修正尚未蒙福為邪欲以
何望使鬼神有知不受不臣之愬如其無知愬之何
益上善之婕妤好怨久見危乃求供養太后于長信宮
上許焉婕妤好作扇詩曰新裂齊紈素皎潔如霜雪裁
為合歡扇團圓似明月出入君懷袖動搖清風發不
覺秋風起涼颼奪炎熱棄捐篋笥中恩情中道絕又
朱買臣守會稽懷綬匿跡人未知也所交錢勃見其

暴露乃勞之曰得無罷乎遺以紉扇買臣至郡引為上客宋人四六綈袍贈范叔猶有故人之情紉扇遺買臣終致上客之引

秋雲

南陸銅渾改西郊玉葉輕泛沼搖光動臨欄瑞色明葢陰連鳳闕陣影翼龍城誰知時不遇空傷流滯情

日行北陸極暑至夏至日行極北謂之北至行轉南始為秋至冬至日極南謂之南至復轉北為春天文志云言天體者三家一曰周髀二曰宣夜三曰渾天宣夜不傳周髀以天似覆盆以斗極為中中高而四邊下日月旁遠日近而見為晝日遠不見為夜蔡邕以為考驗天文多所迷失渾天以天形似卵地如卵

黃包于天中形體渾然天見地上者一百八十二度半強地下亦然北極出地三十六度南極入地亦如之而嵩高正當天之中極南五十五度當嵩高之上又其南十二度為夏至之日道又其南三十四度為春秋分之日道又其南二十四度為冬至之日道南下去地三十一度而已是夏至日北去極六十七度春秋分去極九十一度冬至去極一百一十五度此其大率也其南北極持其兩端其天與日月星宿斜而迴轉此必有其法至秦而滅漢武時洛下閭始鑄銅營之鮮于妄人又量度之至宣帝時耿壽昌始鑄銅而為之象宋錢樂又鑄銅作渾天儀衡長八尺孔徑一寸璣徑八尺圓周二丈五尺強轉而望之以知日月星辰之所在即所謂璣璣玉衡者也歷代法漸密趙宋製儀三重詳見蔡氏書傳設機輪以水激之使其日夜隨天東西運轉日月星辰于是可考至今因之易小畜卦小畜亨密雲不雨自我西郊註西郊文

王自指西周之地也。畜極密之雲而不雨，文之宜王而不王也。玉葉蓋陰見白雲抱幽石篇。西都賦設壁門之鳳闕，上觚稜而棲金雀。闕中記一名別風闕，以別四方之風。西京賦閭闔之內，別風嶢嶢是也。漢書其東則鳳闕，門高二十餘丈，其南有璧門之屬。三輔故事鳳闕上有鳳凰，漢武所作，其西虎圈陣影見蕩子篇。龍城，今西安府城北十里，龍首山。隋以長安狹小，改作新都，遷焉。唐因都之，謂之龍城。末二句見白雲抱幽石註。

秋蟬

九秋行已暮，一枝聊暫安。
隱榆非諫楚，噪柳異悲潘。
分形粧薄髮，鏤影飾危冠。
自憐疎影斷，寒林夕吹寒。

莊子逍遙遊篇鷦鷯巢於深林不過一枝偃鼠飲河
不過滿腹隱榆見在獄詠蟬註噪柳見陳文林篇潘
安仁秋興賦蟬嘒嘒以寒吟兮鴈飄飄而南飛隋盧
思道聽鳴蟬詩紅塵早弊陸生衣明鏡空悲潘稼
梁昭明太子蟬贊定伊不美曜彼華冠陳
劉刪咏蟬詩聲流上林苑影入侍臣冠

秋露

玉關寒色早金塘秋氣歸泛掌光逾靜添荷滴尚微
霜凝曉液承月委圓輝別有吳臺上應濕楚臣衣

玉關西域地名此恐以秋色言之也庾信寄王琳詩
玉關道路遠金陵信使疎此光武閉玉關之地也沈
約詩金塘草木合玉池泉將滿劉楨詩芙蓉散其華
茵蔯溢金塘宋人秋日書啓金鸞秩序玉宇數涼又

金顥平分碧虛如拭韃與擘同此金玉字碧字皆秋
用也漢武起柏梁臺作承露盤高二十丈大七圍以
銅為之上有仙人掌以承露和玉屑飲之云可長生
在今陝西西安府城西北三十里建章宮內神明臺
上圓輝猶圓影也沈約詠月詩月華臨靜夜夜靜滅
氛埃方輝竟入戶圓影隙中來江淹恨賦至乃秋露
如珠秋月如珪又江淹擬古雜體詩送君如昨日簷
前露已圓吳臺二句見在獄詠蟬註濕楚臣衣又見
久客臨
海篇

秋月

雲披玉繩淨月滿鏡輪圓
裊露珠暉冷凌霜桂影寒
漏彩含踈薄浮光漾急瀾
西向徒自賞南飛終未安

張平子西京賦上飛閣以仰眺睹瑤光與玉繩註瑤光北斗第七星玉繩玉衡北兩星也謝眺詩金波麗鵲鵲玉繩低建章裏纏也嵇康琴賦鏤會裏廁註裏纏其填廁之處使相密比珠暉見上篇註薄草木叢生也詳見高四篇漾水搖動貌西向見崔駰馬詩南飛見望卿夕泛

秋水

貝闕寒流徹玉輪秋浪清圖雲錦色淨寫月練花明泛曲鷗絃動隨軒鳳轄驚唯當御溝上淒斷送歸情

貝闕見郭少府篇玉輪見江南贈之問篇古調歌有鷗鷗鴻鴈之曲張平子南都賦寡婦悲吟鷗鷗哀鳴生者淒秋蕩魂傷情嵇康琴賦嚶若離鷗鳴清池翼若飛鴻翔曾崖又若次其曲引所宜則廣陵止息東

武太山飛龍鹿鳴鵲鷄遊絃安仁笙賦爾乃引飛龍
鳴鵲鷄御溝在長安城漢人送別皆于御溝之上雖
唐人猶然也又見
送閻五篇溝水註

詠水

桑土過水曰塘大墳曰防水所鍾曰澤廣澤曰
衍澤曲曰皋障曰陂澤無水有草木曰藪水通
流曰川水本曰源源本曰泉泉正出曰掣泉側
出曰軌泉泉所出同所歸異曰肥泉異水同流
曰瀆深水曰潭急水曰流砂石上曰瀨又曰灘
水別流曰派大水有小口別通曰浦又曰沱水
次復入曰汜風吹水涌曰波大波曰濤小波曰
淪平波曰瀾直波曰徑水朝夕至曰潮風行水
咸文曰漣水波如錦文曰漪九水邊皆曰垂曰
涯曰畔曰干曰濱曰濱涯上下坦曰滸重涯曰

岸岸上地曰澗曲澗曰澳水草交曰渚水邊土人所止曰渚水曲曰汭水北曰陽水南曰陰出山石潤曰潏山夾水曰澗水注川曰谿注谿曰谷通谷曰壑石絕水曰梁水洲曰渚海洲曰島

列名通地紀疎派合天津波隨月色淨態逐桃花春照霞如隱石映柳若沈鱗終當挹上善屬意淡交人

黃河西距卷重山千里東至雒會名地神上為紀星七曲也故曰地紀詩四月篇滔滔江漢南國之紀註紀謂經帶包絡之也天津天河也老子曰上善若水水善利萬物而不爭處衆人之所惡故幾于道陳釋慧標詠水詩持將符上善利得動高情隋張文琮詠水詩標名資上善流派表靈長載達水贊止鑒標貴上善與詠淡交見寶六郎篇淡若水註

秋螢

玉虬分靜夜金螢照晚涼
含輝疑泛月帶火怯凌霜
散彩紫虛牖飄花遶洞房
下帷如不倦當解借餘光

玉虬即銀龍漏刻中汲水者虬本作蚪龍屬無角楚辭駟玉蚪以來翳陳揚緇賦得照映秋螢詩秋窓餘照盡人暗早螢來忽聚還同色恒然詎落灰飛影黃金散依帷縹帙閒含明自不息夜月空徘徊董仲舒讀書下帷不倦晉車胤字武子學而不倦家貧無油夏夜用練囊盛數十螢火以照字餘光見螢火賦

秋鴈

聯翩辭海曲遙曳指江干
陣去金河冷書歸玉塞寒
帶

月凌空易迷煙短浦難何當同顧影刷羽泛清瀾

謝靈運餞阮瑤詩金羈相馳逐朕翮何窮已梁蕭子
範夜聽鴈詩連翩解翔氣嘹唳獨南歸飛鴈行陣金
河猶金塘也書歸見蕩子篇盛弘之荊州記鴈塞北
接梁州汶陽郡其間東西嶺屬天無際雲飛風蕭望
崖迴翼唯一處為下翔鴈達塞矯翮裁度故名鴈塞
同于鴈門也玉塞亦以秋色言之沈約詠湖中鴈詩
刷飛同搖漾
一舉還故鄉

詠鴈

唼藻蒼梧遠銜蘆紫塞長霧深悲晚景風急斷秋行陣
照通宵月書封幾夜霜無復能鳴分空知愧稻梁

楚詞鳬鴈皆唼夫梁藻兮上林賦唼藻青藻沈休文
咏鴈詩唼沅牽弱藻飲翮帶餘霜懸飛竟不下亂起
未成行蒼梧漢武平南越以其地為廣信縣置蒼梧
郡元封中徙交州治此晉以後因之隋廢郡為蒼梧
縣屬封州唐屬靜州尋以縣置梧州天寶初改蒼梧
郡乾元初復梧州五代周屬南漢宋平嶺南仍為梧
州元至元改路本朝改府隸廣西道銜蘆見陳文林
序蒼梧極南紫塞極北以此見長遠也行陣書封字
俱見上篇莊子舍故人之家主令穀鴈待之豎子
奚殺主人曰穀其不能鳴者弟子曰山木以不材而
壽鴈以不材而死將奚處莊子
笑曰吾將處夫材不材之間

秋菊

擢秀三秋晚聞芳十步中分黃俱笑日合翠共搖風碎

影含流動浮香隔岸通金翹徒可泛玉竿竟誰同

秀出也榮也茂也楚詞采三秀于山間註芝草也文選煌煌靈芝一年三秀又趙臺與稽喜書吾子植根芳苑擢秀清流布葉華崖飛藻雲澤宋蘇庠秋夜長賦貞松隆冬以擢秀金菊吐翹以凌霜晉袁山松菊詩靈菊植幽崖擢穎凌寒颺詵苑曰十步之澤必有芳草晉傅玄菊賦脈之者長壽食之者通神孫楚菊花賦飛金英以浮旨酒握翠葉以振羽儀金翹玉竿皆借菊言之也金翹見司馬樓篇

詠雪

龍雲玉葉上鶴雪瑞花新影亂銅鳥吸光銷玉馬津含
輝明素象隱迹表祥輪幽蘭不可儼徒自繞陽春

龍雲見高四篇玉葉見白雲抱幽石篇鶴雪色也雪
為豐年之兆故曰瑞晉書天文志越雲如龍蜀雲如
茵韓雲如布趙雲如牛楚雲如日宋雲如車魯雲如
馬衛雲如犬周雲如輪秦雲如行人又作佳人美人
魏雲如鼠齊雲如絲見賁六篇李蘭漏刻法以銅為
渴局以引器中水以銀龍口中吐之註云以器貯水
以銅為渴鳥狀如鈎曲以引器中水于銀龍口中吐
入權器漏水一升秤重一斤時經一刻言雪下如銅
鳥汲水而吐之也臧榮緒晉書新蔡王騰發于并州
于常山之真定縣遇天大雪平地數丈雪融不積騰
怪使掘之得玉馬高一尺許獻之津如津浪之津宋
玉賦臣嘗行僕饑馬疲正遇主人翁出媼又到市主人
女欲置臣堂上太高堂下太卑乃更為蘭房奧室止
臣其中有鳴琴焉臣拔而鼓之作幽蘭白雪之曲陽
春見江南贈之問篇幽
蘭又見思立上人篇

餞駱四得鐘字

平生何以樂斗酒夜相逢曲中驚別緒醉裏失愁容
星月懸秋漢風香入曙鐘明月臨溝水青山幾萬重

楊惲報孫會宗書烹羊烹羔斗酒自勞又與溝水青山俱見閻五官篇

又

甲第驅車入良宵秉燭遊人追竹林會酒獻菊花秋霜
吹飄無已星河漫不流重嗟歡賞地翻召別離憂

左傳齊景公欲更晏子之第史記齊自淳于髡以下皆命曰列大夫為門第康莊之衢漢高祖詔列侯食

邑者皆賜大第室更二千石受小第室註有甲乙火
第故曰第甲第最大之室也于公為廷尉高大其門
閭令容駟馬車曰吾後世必有興者古詩晝短苦夜
長何不秉燭遊晉嵇康阮籍阮咸山濤向秀王戎劉
伶相與為友號竹林七賢佛國五精舍一給孤園二
靈鷲山三彌侯江四菴蘿樹五竹林園即竹林非止
以竹
名也

渡瓜步

瓜步山名在今揚州府儀真縣西四十七里魏
大武南伐起行宮于此諸軍同日臨江即此山
有盤道及太武所鑿井宋太祖以舟師伐李景
于瓜步振旅凱旋因名回軍渡劉宋鮑照文云
瓜步山回迥為高據絕作雄凌清瞰
遠擅奇含秀是亦居勢使之然也

捧檄辭幽徑鳴榔下貴洲驚濤疑躍馬積氣似連牛月
迥黃沙淨風急夜江秋不學浮雲影他鄉空滯流

捧檄見高四篇檄韻書蒿木也鳴榔以毆魚枚乘七
發言濤之狀泚泚渾渾狀如奔馬連牛見螢火篇埋
豐註浮雲見論語又
見白雲抱幽石詩

王昭君

匈奴呼韓單于聞郅支既誅且喜且懼入朝自
言願壻漢氏以自親帝以後宮良家子王嫱字
昭君賜之按昭君傳元帝宮人數多不能盡幸
使畫工毛延壽圖其形按圖召之宮人爭賂壽
多至千金少至五百金昭君獨負其貌不與及
單于入朝求親帝按圖以昭君賜之陞辭光彩

勳人帝欲悔恐失信外國窮治其事毛延壽竟
棄市後人因為昭君怨之曲云昭君村在今湖
廣荊州府歸州東四十里又名穰昭君入胡于
馬上彈琵琶悲歌哀怨後死葬胡中其冢草獨
青

飲容辭豹尾緘怨度龍鱗金鈿明漢月玉筋染胡塵古
鏡菱花暗愁眉柳葉顰唯有清笳曲時聞芳樹春

漢書大駕法駕出屬車最後一乘懸豹尾尾以前省
中也以後禁中也梁劉孝威詩才人豹尾內御酒屬
車中龍鱗海水也鈿戒指也玉筋眼淚也古鏡照日
影如菱花亦以言面顰蹙也韓昭侯曰明主愛一
顰一笑茄見蕩子篇芳樹春曲
名始於漢魏明帝嘗做為之

挽詩

樂大夫挽詩

五首

史記帝召田橫至尸鄉自刎奉首從者挽至營不敢哭故為歌以寄哀音以此為挽歌之始然魯哀公會吳伐齊其將公孫更命歌虞殯以示必死則其來久矣二子乘舟之類是也

可嘆浮生促于嗟此路難
邱陵一起恨言笑幾時懽
蕭索郊埏晚荒涼井徑寒
誰當門下客獨見有任安

史記衛青傳青日退而驃騎日益貴舉大將軍故人門下多去事驃騎輒得官爵唯任安不肯

蒿里誰家地松門何代邱
百年三萬日一別幾千秋
返

照寒無影窮泉凍不流居然同物化何處欲藏舟

于寶搜神記四橫自殺門人不敢哭但隨柩哀歌曰
薤上朝露何易晞露晞明朝更復落人死一去何時
歸萬里誰家地聚斂精魂無賢愚鬼伯一何相催促
人命不得少踟躕後代相承呼為挽歌武帝時李延
年分為二曲薤露送王公貴人萬里送士大夫庶人返
照見詠蟬篇夕照註莊子大宗師篇夫藏舟于壑藏
山於澤謂之固矣然而夜半有
力者負之而走昧者不知也

昔去梅笳發今來薤露晞彤騶朝帝闕丹旆背王畿
郭猶疑是原陵稍覺非九原如可作千載與誰歸

茹見蕩子篇梅柳曲名張翥入西域傳笳曲西京唯
德摩訶兜勒二曲李延年因胡曲更造新聲二十八

解來輿以為武樂後漢以給邊將和帝時萬人將軍
用之魏晉以來唯存黃鶴隴頭出入關出入塞於楊
柳黃羣子赤之楊望行人一十四曲蔡邕益琴為九
絃彈之蘼露見上章註弱為渠從也丹旆銘旌也城
郭是見紫雲觀贈道士篇禮記檀弓下趙文子與叔
譽觀乎九原文子曰死者如可作也吾誰與歸註九
原晉諸大夫
墳墓所在

一旦先朝菌千秋掩夜臺青鳥新兆去白馬故人來草
露當春泣松風向暮哀寧知荒隴外弔鶴自徘徊

埤雅引莊子雞菌不知晦朔今本作朝菌雞菌尤奇
雲南名菌曰雞菌蜀中名菌曰鷓鴣骨集韻壞土菌
也鳥飛而歛足菌形如之故以鷓鴣名莊子逍遙遊篇
朝菌不知晦朔蟪蛄不知春秋此小年也楚之南有

冥靈者以五百歲為春五百歲為秋而彭祖乃今以
久特聞衆人匹之不亦悲乎註朝菌天陰生糞上見
日則死一名日及一名舜英朝生暮落陸士衡挽歌
按轡遵長薄送子長夜臺阮瑀七哀冥冥九泉室漫
漫長夜臺詳見下篇郭璞墓經謂之青鳥經漢范式
張元伯為友千里命駕元伯歿臨葬棺重不可前母
撫之曰子豈有所須耶父之有素衣白馬來者母曰
必巨卿也式至具言元伯見夢言我已死某日歸葬
以兄友誼故來言是以知之陶侃丁憂在墓下忽有
客來弔儀服鮮異禮畢遣人尋之見雙白鶴冲天去
忽見靈臺路猶疑水鏡懸何如開白日非復靚青天華
表迎千歲幽局送百年獨嗟流水引長掩伯牙絃

靈臺見高四篇此恐指陰靈言之也三國司馬徽有
知人之鑒時稱水鏡先生漢滕公至東門馬悲鳴不

進掘地得石柳書曰佳城鬱蒼蒼千年見白日于嗟
滕公居此室青天見冬日宴詩樂令天註華表見紫
雲觀遼東鶴註高門關木
也流水引見贈高四篇

丹陽刺史挽詩三首

丹陽秦為鄆郡始皇以其地有王氣鑿北阮以
敗其勢截直道使阿曲因名曲阿孫策破劉繇
於曲阿與太史闕神亭是也三國吳改雲陽晉
復為曲阿屬昆陵郡梁為蘭陵郡唐武德初置
雲州又改簡州尋廢以縣屬潤州天寶
初改丹陽縣宋元仍舊今改屬鎮江

百齡嗟倏忽一旦附山阿丹桂銷已盡青松哀思多薰
風應聽曲薤露反成歌自有藏舟處誰憐駟隙過

田巴報鄒衍書百齡之期未有能至梁任昉為庾杲
之與劉蚪書百齡飄忽凝滯自物禮檀弓文王謂武
王曰女何夢矣對曰夢帝與我九齡文王曰女以為
何也武王曰西方有九國焉君王其終撫之文王曰
非也古者謂年齡齒亦齡也我百爾九十吾與女三
焉文王九十七而終武王九十三而終漢武悼夫人
賦秋氣惜以淒淚兮桂枝落而銷亡註以桂枝喻夫
人也青松塚上所種何劭詩青青陵上松亭亭高山
相趙徵明詩曠野何蕭蕭青松白楊樹薰風曲即
舜歌南風事蘼露藏舟見上篇駟隙見螢火賦


惻愴恒山羽留連棣萼篇佳城非舊日京兆即新阡城
郭三千歲邱陵幾萬年惟餘松栢樹朝夕起寒烟

詩唐棣篇唐棣之華鄂不韡韡凡今之人莫如兄弟
死喪之戚兄弟孔懷原隔哀矣兄弟求矣佳城見上

篇開白日註後漢原涉父死賻錢十萬讓不受又行
三年喪由是得名既而以先墳倫約非孝慕京兆尹
曹氏葬茂陵民謂其道為京兆阡迺買地開道大起
冢舍周閭重門立表署曰南陽阡人不肯從謂之原
氏阡後涉以任俠殺人王莽召赦
之為更始西屏將軍申屠建所殺

短歌三獻曲長夜九泉臺此室玄扃掩何年白日開荒
郊踈古木寒隧積陳芟獨此傷心地松聲薄暮來

長夜九泉俱見前篇又莊子曰天有九重之霄地有
九重之泉春秋傳晉文侯欲請隧襄王不許曰王章
也又鄭伯與武姜闕地及泉隧而相見註隧墓道也
潘岳懷田賦陳芟被子堂除舊圃化而為新梁何遜
銅爵臺妓詩曲終相顧起日
暮松柏聲又青松見上章



欽定四庫全書

易經

卷五

駱丞集卷一